

América al año 2º de su creación

(on

~~1800~~

Introducción


LIBRARY
MUSEUM
OF
NATURAL
HISTORY
OF
THE
CITY
OF
NEW
YORK

6
~~13 d~~
49
M



~~6-13-8~~ 49

















1871

Q. HORATII
FLACCI METHODVS
De Arte Poetica :

PER NICOLAVM COLONIVM

Exposita,

Quomodo antehac ab alio nemine.



ca
Cavilli

No
Alomget
P. N. Holand
Pasum

BERGOMI MDLXXXVII.

Typis Comini Ventura, & Sociorum.

es. Hared. Francoisi di Rubelf

LETTER OF

RECOMMENDATION

FOR THE



Handwritten signature or initials in cursive script.

Handwritten signature or initials in cursive script.

ATTEST

NOTARY PUBLIC

IN AND FOR THE STATE OF NEW YORK



FEDERICVM
CORNELIVM
CARDINALEM
ET EPISCOPVM
Patauij.



NICOLAUS COLONIUS.



Ecce humanitas & facilitas tua, mihi perspectissima, ne deterrerer amplitudine dignitatis tue ab hoc tibi mittendo munusculo: quo cupiebam mea tibi dedita voluntatis memoriam apud te renouare. Nolim enim existimes ex meo diuturno silentio, vel de meo tibi debita obseruantia studio aliquid imminui, vel anima excidere posse gratissima illa tempora,
qui-

quibus in Monticulo tuo, qui montes omnes magnos & claros superat omnium suavitatum praestantia, me apud te esse voluisti familiarissime. Magnum hoc ego duco, quod placui tibi homini nobilissimo, & multis magnisq; virtutibus ornatissimo: nam gradus amplissima dignitatis ita iam Domui vestra clarissima debitus videtur, ut a vobis ille, non vos ab illo splendorem accipere videamini. At, quam mihi pusillo tu vir tantus existimandi copiam dedisti, quantum me amares? mitto vultus hilaritatem, qua me semper complexus es; intimam iucundissima consuetudinis familiaritatem, qua me dignandum censisisti: quibus me honoribus, quibus augere commodis voluisti? verum ego, qui parvus iure perhorruui magna semper, & habere plura, quam sit satis, rem periculi plenam iudicavi, non accepi, qua tu liberalissime deferebas. num ideo tibi minus teneor? immo vero tanti viri tam benefici
cam

cam in me voluntatem tanti facio, ut ne-
mini plus debeam. Hac igitur fretus huma-
nitate tua, & benevolentia erga me sin-
gulari hoc te munerari ~~singulari~~ Commen-
tariolo non sum veritus; memor praefer-
tim in illo amenissimo secessu quanti fa-
ceres Horatium, quem ferè nunquam
è manibus dimittebas. Fuit ille quidem
merito, dum viueret, principibus viris ca-
rissimus. non fuerunt, nec erunt minoris
eius scripta pretij apud omnem posterita-
tem: quae semper Auctorem suum summi
fuisse iudicij, & virum doctissimum, atque
elegantissimum testabuntur. Vnus hic Li-
bellus, quo vim vniuersam Artis Poeti-
cae optimo complexus est ordine, iudicium
& doctrinam viri singularem declarare
potest: id quod ab alijs non animaduersum
arbitramur nos primo ostendisse: non quòd
alijs ingenio praestemus, sed quòd plus alijs
in eiusmodi scriptis doctorum hominum in-
telligendis, importuno labore et fastidiosa
pa-

patientia diu multumque versemur. Ean-
dem multorum annorum operis assidui in-
cudem tudentes Commentarios in Metho-
dum ~~Analyticum~~ Aristotelis cudimus, hoc
vnum spectantes, ut rectam aperiremus
viam intelligendi quacunque Methodice
scripsit Aristoteles. Laborem hunc pri-
mum in paruo, sed difficillimo opusculo,
tanquam excursorem emisimus ad explo-
randa virorum doctorum iudicia, & ut
cognosci possit, quid spei sit reliquum, si-
qua deinceps dabimus, non in vllius spem
laudis, sed alicuius fructus eorum, qui in
litterarum studijs versantur. Sed est, quod
te rogatum magnopere velim, ut quos ad-
iunxi tuo libellos, alterum Albano, alte-
rum Verone Cardinalibus tradas manu ista
tua, dignitate & auctoritate prestanti, ex
qua Leuiculum istud munus apud gra-
uissimos viros aliquid ponderis nancisca-
tur. Gratia Dei dirigat quicumque geris
& optas.



Q. HORATII
FLACCI
DE ARTE POETICA

Liber

AD PISONES.

BIBLIOTECA NAZ.
ROMA
VITTORIO EMANUELE



MORATIVM iudicio, & doctrina
maxime excelluisse non est difficile
ex eius scriptis conijcere, quæ vndi-
que studium hominis in omni Phi-
losophia diligenter versati redolent.
Verum & ipsius oratio est maxime
accurata, in qua cum nihil sit inane,
persimilis est Aristotelicæ breuitati;
& iccirco interdum obscurior, &
quæ desideret lectorem nec stu-
pidum nec negligentem, sed vehementer attentum. Ex omni-
bus autem ipsius scriptis libellus de ARTE Poetica habere
plurimum obscuritatis videri potest, in quo interpretatio tam
multi viri docti elaborarunt: necdum tamen ita sunt omnia
explanata, ut nihil amplius desideretur. Omitto loca priuata,
in quibus diuinationem potius, quam certam rei bene cogni-
tæ declarationem videntur adhibere. Quid illud? quanti, quæ-
so, ponderis est inscriptionem ipsam, de Arte Poetica, esse qui

A suspi-

HORATII METHODVS

suspicientur, eosq; viros in primis doctos, adiectam esse ab aliquo imperito Grammatico; quamuis eam Quintilianus, & alij veteres, nihil dubitantes agnoscant. Nec leui ipsi quidem ratione adducuntur, vt ita existiment; qui dicant non hic omnia, quæ ad Poeticam pertinent, sed multa de Tragædia tractari, & Comædia, & alia quædam, vt se se offerût scribi, quemadmodum fit in Epistolis; & præcipue nihil hic præcipi volunt de fabula Epica. Quântum autem intersit quis non videt, ad hæc intelligenda quæ traduntur ab Horatio, si constanter sententiã Auctoris non teneas, nec scias quid ipsi propositum sit facere, vtrum, vt fit in Epistolis, de aliquibus quæ ad Poeticen, & scriptores Poematum pertinent, scribere voluerit; an de genere toto, vt præsefert inscriptio, tractare? At qui ad hoc dijudicandum mihi quidem certe non solum vetus inscriptio, sed Methodus, & ordo, ratioque ipsa docendi admirabilis, quæ proprie adhibetur; cum aliquod rerum genus vniuerse tractandum suscipitur, magnum videtur habere momentum debuisse. Hac me fateor primo compulsam, vt rem attentius considerarem; deinde singulis rebus nõ diligenter modo, sed fastidiose expendendis, quidnam scilicet, & quomodo, quæque ordine doceret, tota Methodo instar exercitus pulcherrime instructi sepius perlustrata, vidisse mihi videor, Horatium vniuersam vim Poeticæ facultatis, quam ipse magnus in primis Poeta, & magnis excultus doctrinis, animo comprehensam tenebat, in hoc libello ad Pisones, quântum lex carminis pateretur, explicare voluisse. Atque hoc est, quod mihi nunc sumpsi quasi inspiciendum proponere, audax fortasse facinus, non tamen, vt puto, reprehensione dignum; Siquidem in magnis conatus etiam ipse in laude ponitur. Age igitur huic Methodo subiectum genus cum suis speciebus, & quæ singularum virtus, & quæ singulis propria accidunt, quomodo in hoc libello pulcherrimo comprehensa sint, ordine, (hoc autem est Methodo tradere vnum aliquod rerum genus) conemur ostendere. Sic autem Horatius propositam Methodum de Arte Poetica orditur, ab eo scilicet, quod principem locum tenet in omni Methodo, ad quod doctrina vniuersa tradenda refertur, cum ab eo manent omnia, quod vocant genus subiectum: cuius vim & naturam non modo ostendit Horatius, sed etiam vitia & peccata, quæ in eo tractando subiecto possunt contingere; & præterea cuius viri sit recte rem eam tractare. Hæc prima doctrina carminibus triginta & septem

ptem continetur, breuiter sanè, si rei magnitudinem, & difficultatem spectes: sed & natura Methodi breuitatem postulat, & lex carminis, astricta numeris, repudiat verborum doctorem. Tam efficacibus tamen & exemplis & similitudinibus, more Poetico, doctrinam suam quasi subiicit oculis, ut attento Lectori nec inerudito fatis hæc breuitas facere possit. Sed veniamus ad carmina, & quod vniuerse diximus, sigillatim demonstremus.

*Humano capiti ceruicem pictor equinam,
Iungere si velis, & varias inducere plumas
Undique collatis membris: ut turpiter atrum,
Desinat in piscem mulier formosa superne:
Spectatum admisi risum teneatis amici?
Credite, Pisones, isti tabula fore librum,
Per similem, cuius, velut agri somnia, vana
Fingentur species: ut nec pes, nec caput vni
Reddatur forma.*



VM Poeta non metris, sed fabulis fingendis dicatur Poeta, vtaut Aristoteles, & Horatius hoc principio significat, & in fabula comminiscenda, & recte constituenda sit maximus & præcipuus Poetæ labor, est enim fabula (inquit Aristoteles) veluti anima operis Poetici; Horatius maximo iudicio Methodum suam de ARTE Poetica orditur a fabula, quæ principem locum tenet in hac facultate, cum sit finis ipsi propositus, & subiectum, in quo ipsa versetur. Potuit autem ingressus eiusdem ad eam videlicet rem, quæ prima esse debet apud Poetam, Lectorem monere, num forte vellet Horatium de genere vniuerso huius facultatis tractare, quando sic incipit ab eo, quod ipsi facultati proprie subiectum est. Nec ex hac concepta suspitione difficile deinde erat videre, an doceret de fabulis omnibus quæ sunt quatuor, Epica, Tragica, Comica, Satyrica, & de ipsis quæ singulari sunt propria, an vniuersè de ipso genere diceret, quæ essent necessaria: & in his tradendis non erat parui ponderis animaduertere, quo singula traderentur ordine, quo decoro, cum carmine scriberentur. Nam, quod aiunt de Epopeia nihil tradi, id non vere dici, quàm fuerit in promptu perspicere, in hac prima doctrina, quæ de fabula recte constituenda tradi-

tur, ostendemus. Quamquam enim, quod præcipitur vtriusque fabula sit vna, comprehendit fabulas omnes, quas diximus, Epicam, Tragicam, Comicam, Satyricam; tamen, quoniam non tam facile peccari potest in reliquis tribus, sicut in Epica fabula componenda, quæ est opus longum, & eius longitudo proprie posita est in Episodijs, vt ex ipso Aristotele declarabimus, breuitatis causa, quæ est præcipua virtus in docendo, præceptum hoc exponit in eius compositione fabulæ, quæ est omnium difficillima, & in qua facile peccari potest. Sciendum enim est, Episodia (quod vocabulum significat rem foris assumptam ad delectandum) habere locum in fabulis, licet non semper, nec in omnibus, sicuti sunt Tragediæ simplices, & Comediæ, & Satyræ, quæ non egent Episodijs, nec in eas recte inducuntur: cum vero induuntur apud, vt in fabulas, quas vocat Aristoteles *μεμεινυμεναι*, quæ habent *μεμεινυμεναι*, i. rerum euentus inopinatos, & agitationes non expectatas, sunt eiusmodi Episodia in his fabulis & pauca & breuia. At in Epica fabula ita sunt & multa & longa, vt propterea opus Epicum vocetur *μεγαλον*, id est multis resectum fidei sat utile: quibus etiam sit, vt in amplam magnitudinem exerceat: quod alijs fabulis accidere non potest, quæ hac ratione ex Episodijs scilicet non componuntur: ex quorum profus coagmentatione constat Epica fabula. Cum igitur propter multitudinem & longitudinem Episodiorum, in quorum admirandam varietatem, vt magis delectet, comminiscendam, totum Epici Poetæ studium, & ingenium intenditur, facile fieri possit, vt peccetur in Epica fabula constituenda, fiatque corpus non vnum, & coherens, sed multiplex, disiectum, & monstruosum, id quod, vt dixi, in alijs fabulis non ita potest contingere; Horazius hac pictura monstruosissimi animalis monet Epicum Poetam, ne sic invarianda Episodijs fabula, quo maiorem pariat voluptatem, ingenio infantiat, vt ipse infans & ridiculus efficiatur. Nec potuit melius, quam hac imagine proposita, sub aspectum ipsum subicere duo, quæ ex aduerso repugnant vnius fabulæ simplicitati. Non solum enim in hoc monstro nulla pars cum altera coheret, cum membra sint disparia, & nullo inter se fœdere naturæ coniuncta; sed cum Pictor vndique ex omni genere animalium, quæ in aere, quæ in terris, quæ in aquis viuunt, in hanc imaginem membra coniecerit, necesse est propter infirmitatem membrorum, & nullam partium inter se proportionem.

DE ARTE POETICAM

nem eius magnitudinem esse minime *deinde* id est quæ uno veluti obtutu facile comprehendere possit, sicut docet Aristoteles. Oportet enim in fabula Epica, cuius partes præcipuæ sunt Episodia, ut suo loco aperte explicabitur, cum docebit quid maxime emineat & excellat in Epico Poemate, ita sint coniuncta cum toto Episodia omnia, ut unum, veluti animal constituent, ex quo integro & perfecto & aspectabili ob egregiam rerum admirabilium compositionem admirabilis percipitur voluptas. Pertinent igitur hæc absque dubio ad constitutionem Epicæ fabulæ, & Epico Poetæ hæc cauenda præcipiuntur. Et Horatius id non obscure significat, cum dicit, *Credite Pisones ista fabula fore librum Persimilem*: nam libri nomine significat opus longum, cuiusmodi est Epicum Poema, *Odyssæa, Ilias, Æneis*.

Velut agri somnia.

Hæc quoque similitudo pulcherrime significat res minime inter se coherentes. Et illa verba, *cuius vana fingentur species*, nihil aliud significare possunt, quam operam adhibitam in fingendis inanibus Episodiis; ex quibus componitur Epica fabula. nam in aliis fabulis aut nullum Episodiu adhibetur, aut unum, vel ad summum alterum, ut docet Aristoteles. videlicet *non nisi in Epico Poemate*: studium autem variandæ fabulæ non potest esse nisi ex Episodiis: quod fit in Epopæia tantum.

Et nec pes, nec caput uni

Reddatur formæ.

Vna species enim & forma animalis, cui perfecto & integro Poema Epicum simile esse oportet, ut una sit fabula, quomodo constituetur ex disparibus, & minime sociabilibus naruris? uidebimus laudem Epici Poetæ in fabula una constituenta: de quo sic scribet.

Quisq; ita mentitur, sic veris falsare miscet,

Præter ne medium, medio ne discrepet iunxerit.

Quo in loco explicabimus uirtutem & artificium Epici Poematis.

Pictoribus atque Poetis

Quidlibet audendi semper fuit aqua potestas.

Græci uocant *anakephala*, quæ sæpe Aristoteli, & qui disputant sibi obijcientes, quod dici contra possit. Cum uero potestatem parem tribuit Pictoribus & Poetis, pulchre significat etiam omnem potissimam imitationem esse: quia, sicut pictores imitantur corpora

corpora, sic mores animorum & hominum uel honestos uel turpes imitantur Poetae. & utitur apto uerbo, cum dicit *audendi quidlibet*, loquens de Poeta Epico: est enim Epicum Poema negotium audax, & omnium difficillimum, atque Epici Poetae ingenium in rebus fingendis admirabilibus maxime liberum est. Itaque Horatius Episodia Odysseae, uocat speciosa miracula: de quibus loco suo dicitur.

Scimus, & hanc veniam petimusq; damusq; vicissim:

Sed non ut placidis coeant immitia: non ut

Serpentes auibus gementur, tigris agni.

Subicit *dissonantia*, quā concedit potestatem audendi & con-
fingendi res miras; sed non ad imitationem monstri supra descripti, in quo serpentes cum auibus, tigres cum agnis copulantur: quæ res inter se consociari non possunt, nec ex eiusmodi corpus unum confici potest, sicut postulat Epica compositio: huc enim referenda, quæ nunc dicuntur, omnia.

In cæptis grauib; plerumq; & magna professis

Purpureus, late qui splendeat, unus & alcer,

Assuitur pannus: cum lucus, & ara Diane,

Et properantis aque per amœnos ambitus agros,

uetus flumen Rhenum, aut pluuius describitur arcus.

Etiā hoc carmen, *In cæptis grauib; & magna professis*, monere debuisset Interpretes, quæ præcipiuntur pertinere ad Epicum Poetam, qui solus initio prætetur se de rebus grauib; & magnis scripturum. Simili modo eundem paulo infra significat, cum dicit, *promissi carminis auctor*: sic etiā postea, cum iterum loquetur de Poeta Epico.

Quid dignum tanto feret hic promissor hiatu?

Quod uero aliqui dicant hic agi de Episodijs, nec usquam alibi, non satis intellexisse uidetur, quid sint Episodia. sunt enim pars fabulæ etiā in alijs fabulis; in Epica uero sunt, ut ita dicam, totū ipsius fabulæ, id quod postea suo loco declarabitur. At hic loquitur de rebus, quæ nullo modo possunt esse partes fabulæ, cum sint digressiones à re proposita, quæ a Poeta Epico, dum modis omnibus uariare suum Poema nititur, inepte adhibentur.

Nos igitur persequentes, quod proposuimus demonstrare, de Methodo instituta ab Horatio, dicimus, postquam monuit

excogitata varietate Episodiorum quam sœde peccari possit, si propter nimium delectandi studium ex iis fabulam contexere conetur Poeta, quæ in unum corpus coalescere nequeat, subiicit vitium alterum, ex eodem studio manans delectandi & variandi Poema, dum Poeta captat occasiones ad digredien- dum ad aliqua, in quibus mollibus, & splendidis carminibus lascivire ingenium possit, quales sunt locorum & rerum descrip- tiones: quarum Horatius ponit exemplâ, nihil ad rem suscep- tam pertinentia. Suspicio autem hæc ab Horatio fuisse ani- madversa in Poetis sui temporis. Non deerant enim qui igno- rantes leges & virtutem scribendi, carmina tamen pangerent in omni genere Poematum. Nam, quod pertinet ad descri- ptionem Rheni fluminis, sine dubio notat Alpinum, de quo sic scribit in Satyra decima:

*Turgidus Alpinus iugulat dum Memnona; dumque
Dissingit Rhens luteum caput, hac ego ludo.*

Scribebat Memnona, opus videlicet Epicum, ob id & turgi- dum vocat, in quo putabat sitam esse maiestatem carminis E- pici. de quo vitio dicitur paulo infra: In illud autem opus coniecerat lögam, & multorum carminum Rheni descrip- tionem. Reijcit igitur Horatius ab operis Epici gravitate eiusmodi, tanquam loco non congruentes, & ineptas, digressiones. Monstrum etiam supra descriptum ob monstruosam varia- tem Episodiorum facile notauerat Horatius in Poetis sui tem- poris, ignorantibus virtutem Epici Poematis: fieri enim po- test, ut in utroque vitio sœde peccarent: sicut etiam qui scripse- runt Orlandum & Rinaldum, viri alioqui nobiles & docti. Ni- hil enim fieri potest monstruosius illorum Episodijs, nihil mi- nus coherens illis Poematibus, in quibus sunt etiam frequen- tes eiusmodi digressiones ab Horatio reprehensæ: quæ in alio genere Poematis iudicio & loco adhibitæ laudarentur: sicut quæ a Virgilio concinnè in Georgicis in fine cuiusque libri, postquam institutæ præceptioni satisfecit, adijciuntur. Sed nunc non erat his locus; non enim res eiusmodi cum rebus grauib; & magnis, quas professus est, nec molle carmen, cum maiestate carminis Heroici congruit.

*Et fortasse cupressum
Scis simulare. Quid hoc? se fractus enat ex spes*

Nam

Nauibus ære dato qui pingitur.

Locose & lepide inepti pictoris exemplo, qui quidquid pingendum sumebat, in tabella cupressum etiam, quam sibi pulchre effingere videbatur, volebat adiungere, reprehendit iudicium ineptum coniiciendi eiusmodi digressiones in opus grauius. Quid tu elegans simulator cupressi in naufragi tabella cupressum appingis? quid fluctibus & naufragio cum cupresso?

Amphora cœpit

Institui, currente rota cur urceus exit?

Amphoræ, quod magnum est uas, simile est opus Epicum magnum, & de rebus magnis. eæ digressiones sunt similes urceo, quod vas paruum est, si comparatur cum amphora. Itaque Poeta Epicus, eas agglutinans operi magno, quod instituit, perinde facit ac figulus, qui amphoram institutam in urceum contrahat. sic multis rationibus eas oîno repudiendas ostendit.

Denique sit quoduis simplex dumtaxat, & vnum.

Superiora omnia huc spectabant, ut præciperet, quibuscunque ex Episodijs, ingenio Poetæ excogitatis, Epica fabula componeretur, eam simplicem & vnâ esse oportere. Ac præceptum quidem omnibus fabulis commune est, sed id potissimum in Epica docere voluit, quod eius compositio sit omnium difficillima. Id sic esse oportere, ex compositione Odysseæ & Iliadis intellectum esse docuit Aristoteles. Itaque Aristoteles idem dicit Iliada esse orationem vnâ vinculo & nexu: quoniam sicut in vna scientia omnia inter se connexa sunt ad vnâ genus relata, sic in Iliade omnia vinculo vno inter se constricta sunt, Achilles videlicet irati ob Briseidem abductam, a quo pender actio illa Iliadis. Sicut enim vna scientia, & doctrina est vnus generis, sic vna fabula est vnus non personæ tantum, sed etiam actionis; cuius partes ita inter se cohercant, ut vel transposita vel sublata aliqua parte totum immutetur, & non sit idem. & ob id etiam locum hic habere non possunt digressiones, de quibus supra, quibus sublatis nulla totius fiat immutatio. Hoc est vnum, & simplex, de quo loquitur Horatius: quod scilicet in Homero optime cognouit, vñ alio loco demonstrabimus. Sic igitur, ut ostendimus, hæc omnia dicuntur, ut liquido appareat accommodari ea

non

DE ARTE POETICA.

non posse, nisi ad Epicam fabulam, & Epicum Poetam, Videamus & quæ sequuntur.

*Maxima pars vatum, pater, et iuvenes patre digni,
Decipimur specie recti. brevis esse laboro,
Obscurus fio: sectantem laia, nervi
Deficiunt, animiq;: professus grandia, turget:
Serpit humi, tutus nimium timidusq; procella.
Qui variare cupit rem prodigialiter unam:
Delphicum silvis appingit, fluctibus aprum.
In vitium ducit culpa fuga: si caret arte.*

Causam affert, cur in contexenda Episodijs Epica fabula in hanc incidant fraudem; & in ea declaranda exemplis maxime appositus vitium. Causa est species recti, quæ inducit in errorē.

Laus enim fabulæ Epicæ ex fictis Episodijs existit, in quibus maxime elucet ingenium Poetæ. Hinc dum cupiunt, & ingenium ostentare, & rebus miris delectare, nullum finem faciunt variandi & confingendi, quæ inter se coherere nō possunt. Ita, dum vndique conquirunt, quæ pulchram & iucundam fabulā efficiant, monstruosam & ridiculā efficiunt. Hic modus peccandi, re bona proposita, quatuor exēplis appositissimis ostenditur. sunt. n. peccata scribentiū, dum nimio studēt opere in ijs eminere virtutibus, ob quas oratio laudatur. De carminibus autē, & oratione Poetarū hæc intelligenda existimo, vt obiter Horatius in hoc etiam genere moneat quomodo peccetur.

Brevis esse laboro, Obscurus fio.

Non temere factum puto, vt de breuitate sic pronuntiauerit in prima persona. Nam Horatius huic virtuti studuit, & in ea iudicio meo plurimum excellit. maximum enim studium adhibuit tum in deligendis verbis, in quibus vis esset efficax ad id significandum, quod volebat, tum in conformandis sententijs, in quibus vis constipata vel bonum nihil inanitatis haberet. Sed interest inter breuem & obscuram orationem. Obscura intelligi non potest; Brevis sine studio & attentione, non percipitur. sic fere sunt Horatij carmina: quæ propter doctrinam etiam, quam redolent, lectorem non indotum desiderant. Est ergo breuitas virtus media inter duas vitiosas orationes, redundantem verbis superuacuis; & obscuram. Er, quoniam breuitas maiorem habet conuenientiam

cum obscura, quàm cum redundante, nisi scriptor studiosus breuitatis sit admodum cautus, & sapiens, facile labitur in obscuritatem.

Seclantem læuia nervi deficiunt, animiq; .

Per læuitatem orationis non solum cultum & elegantiam significat, sed numerum mollem, & suauem in carminibus faciendis absque villo aspero concurfu. In hoc genere laudis excellit præcipue Virgilius in Georgicis: qui materiæ horridæ, & inopi ab omni elegantiâ, optimo iudicio utrunque tribuendum existimauit: id quod ipse significat in Tertio, pulcherri-
mis il'is carminibus:

*Nec sum animi dubius, uerbis ea vincere magnum
Quàm sit, et angustis hunc addere rebus honorem,
Sed me Parnassi deserta per ardua dulcis
Raptat amor. iuuat ire iugis; qua nulla Priorum
Castaliam molli deuertitur orbita diuo.*

Idem conatus erat Lucretius, qui vicit quidem in eo priores Poetas, sed illum post se reliquit Virgilius. cui & Horatius laudem hanc tribuit cum dicit:

Molle atque facetum.

Virgilio amuerant gaudentes rure Camæna.

Est enim duplex, ut dixi, laus: altera numeri mollis; altera orationis lætæ, & quasi ridentis. Sed ostendamus etiam Lucretij conatum in illis carminibus, quæ Virgilius est imitatus.

*Nec me animi fallit, quàm sint obscura: sed acri
Percussit Thyrsolaudis spes magna meum cor.
Et simul incussit suauem mi in pectus amorem:*

Musarum quo nunc instinctus mente vigenti

Ania Pieridum per agro loca nullius ante

Trita solo: iuuat integros accedere fontes.

Aiq; haurire.

Hec virtus media est inter horridam incultamque orationem, qualis fere fuit veterum Poetarum; & eneruatam ac exanguem, ut sunt eorum carmina, quæ nihil habent præter elegantiam verborum, & mollem numerum, & sunt, ut inquit Horatius, versus inopes rerum nugeque canoræ.

Professus grandia turget.

Sic peccant Epici Poetæ. Itaque, ut antea diximus, vocat
Alpinum

Alpinum turgidum. Est metrum Heroicum, quod Græcis Epos vocatur, maiestatis & gravitatis plenissimum, ut inquit Aristoteles, & numerus inter alios omnes maxime elatus. Aptè vero, cum vellet significare genus dicendi grande, quod antea *professus magna*, nunc dixit *professus grandia*, id est, res initio libri professas, quæ desiderant orationis granditatem. Est autem grandis oratio inter humilem & turgidam. itaque Poeta Epicus, dum maxime vitat humilem, ut nullo modo sibi congruentem, omnibus conquirēdis, quæ grandiore efficiunt orationem, facile in turgiditatem delabitur, & dum vitat humum, nubes & inania captat. Horatius in Epistola ad Augustum granditatem Epici carminis cum humili carmine collatâ effingit non illepide, sic scribens:

Nec sermones ego malle.

Repentes per humum, quàm res componere gestas,

Terrarumq; situs, & flumina dicere, et Arces

Montibus impositas, et Barbaræ regna, tuisque

Auspiciis totum confecta duella per orbem,

Claustraq; custodem pacis cohibentia Ianum,

Et formidatam Parthis te principe Romam:

Si quantum cuperem, possem quoque. sed neque parum.

Carmen maiestas recipit tua, nec meus audet

Rem tentare pudor, quàm vires ferre recusent.

Sed est etiam sua laus generi dicendi tenui, & carminibus humilibus de rebus humilibus, ut quæ Virgilius iuuenis lusit carmina Pastorum, audaxque iuventa:

Tiſſyre te patule cecinit sub tegmine fagi.

Itaque, cum genus omne dicendi attigisset, sic fecit initium Eneidos: ut triplici quasi filo, triplicis characteris imaginem adumbraret. Et in hoc igitur genere peccatur, sicut qui serpit humi tutus nimium timidus, & procellæ, ut enim qui nauigat nimium timidus, & plusquam satis est vitæ prospiciens, a litore non discēdes, in dura vada impingit carinam: sic qui nimium metuit, ne parum tenuis sit & gracile carmen, omnem colorem, omnem succum reformidans, ad ieiunam profusus, & aridam tenuitatem carminum filum deducit. Sed quò spectant hæc exempla peccantium specie recti? Huc scilicet, eodem enim modo; *Qui variare cupit rem prodigialiter vnâ, Delphinum Syluis appingit fluctibus aprum.*

Nam, quoniâ Epica fabula constat ex variis Episodijs inge-

nio Poetæ excogitatis, & ex ijs tamen Episodijs sic esse oportet, quæ apte possint in vnum corpus conformari; si tu, ut magis delectes, prodigiosam varietatem comminiscaris ex rebus miris non coheræntibus, perinde facis, ac si Delphinum syluis appingas, fluctibus aprum. *Rem vnā respicit præceptum, quod declarauimus: Denique sit quod vis simplex dum taxat, et vnum.*

Idem enim est ac si dixisset, rem & fabulam, quam oportet esse vnā. *Prodigialiter*, respicit monstrum, initio descriptum. Quod igitur pertinet ad fabulam Epicā variandam, illo conclusum est præcepto, *Denique sit quod vis simplex dum taxat, et vnum.* ut quamuis Poetæ liberum sit comminisci, quæ velit: eius tamen libertas hac lege regatur, vt intelligat fabulam oportere vnā esse, quomodo videmus Homerum fecisse. Varietas quidem Episodiorum est id, quo illustratur Epica fabula, & efficitur admirabilis: sed varietas prodigiosa ex rebus natura disparibus, & non coheræntibus est vitiosa, sicuti breuitas obscura, & læuitas carminis eneruata, & exanguis, & granditas orationis turgida, & carmen tenue, ieiunum, & aridum. Fit vero prolapsio in eiusmodi vitia ex eo, quod in vitium ducit culpæ fuga, si caret arte, & quod, sicut alibi dicit, *Dum vitat stulti vitia in contraria currunt.* 1. ob ignorationem eius, quod rectum est. Nam peccare quoniam careas arte & prudentia, & ob stultitiam & ob ignorantiam recti idem sunt. Peccat epicus Poeta in varianda fabula, dum vitat, ne parum admirabilis videatur, & ignorat quomodo recte possit esse admirabilis: quod in præcepto positum est, de quo supra.

*Æmilium circa ludum faber imus, & ungues
Exprimet: et molles imitabitur ære capillos:
Infelix operis summa: quia ponere totum
Nesciet. hunc ego me, siquid componere curem,
Non magis esse velim, quam prauo viuere naso,
Spectandum nigris oculis, nigroque capillo.*

Hac fabri similitudine, qui vltimam habebat tabernam circa ludum gladiatorium L. Æmilij Lepidi, & hac iocosa clausula postquam significauit, in quo laus consistat Epicæ fabulæ, & quæ vitanda sint peccata, & coniiciendum reliquit, quantam habeat difficultatem Epicæ fabulæ recta compositio, indica-

re voluit, non satis esse Poetam vnam aliquam rem scire & tenere, sed neminem Poetam recte quidlibet compositurum, nisi magnis instructus doctrinis sit uir perfectus; id quod tanto magis requiritur in Epico Poeta, quod maximum omnium est opus Epicum Poema. Sed erit & alius locus dicendi de præstantia scribentium Poetarum. Atque hæcenus, quæ præcipere uoluit Epico Poetæ de uarianda Epica fabula, sic, ut quemadmodum fecit, & docuit Homerus, ex ea uarietate apte conficiatur corpus unum perfectum, secum undique consentiens, membris recte dispositis & coherentibus.

*Sumite materiam vestris, qui scribitis, aquam
Viribus, & versate diu quid ferre recusent,
Quid valeant humeri.*

Hæc sententia, desumpta a proxima de fabro similitudine, le pide parat transitum ab inuentione, & compositione fabulæ ad ordinem & elocutionem Poeticam: quibus rebus quid potest esse magis consequens, & magis indicare hæc methodice tradi? congruenter autem huic rationi excusat se Horatius Augusto in illis carminibus, quæ supra posuimus. *Nec meus audet rem tentare pudor, quam vires ferre recusent.*

*Cui læta potenter erit res,
Nec facundia deseret hunc, nec lucidus ordo.*

Verbum, *potenter*, omnia comprehendit quæ desiderantur ad perficiendum susceptum negotium. ultimo loco posuit uocem *ordo*, ut eius statim fieret lepida repetitio.

*Ordinis hæc virtus erit, & venus: aut ego fallor:
Vt iam nunc dicat, iam nunc debentia dici
Pleraque differat, & præsens in tempus omittat.
Hoc amet, hoc spernat promissi carminis auctor.*

Quæquâ præceptum cômune est in disponenda fabula qualibet, uel tragica, uel Comica, uel Satyrica, uel epica, ut sit ordo differens ab historico, & naturali: tamen, quoniam maius iudicium requiritur in Epica fabula, sicut supra fecit de fabulæ compositione, sic nunc priuatim de dispositione præcipit Epico Poetæ, quem significat illis uerbis, *Promissi carminis auctor*. In secundo autem membro inquit: *Iam nunc debentia*

bentia dici pleraque differat, significat ordinem, quem secutus est Homerus: qui orditur bellum Troianum ab ultimo anno, & eodem modo errores Vlyssis. sic facit Virgilius Aeneam digredientem e Sicilia septimo anno, quo fecit errandi finem, & peruenit in Italiam. Sic igitur pleraque, quæ continet Epica fabula, quæ deberent dici ordine scilicet naturali & historico præcedentia, differuntur & in præsentī omituntur, & ab eo fit exordium, quod post illa multa dicendum esset: ita ut postea sciat acri iudicio, quod nunc dicat eligere, & reijcere, quæ differenda sint: in hoc consistere iudicat uim & uenustatem omnem Epicæ fabulæ disponendæ. Venustas autem dispositionis est ordinis ipsius clara quædam lux, quæ obijcit nobis spectandam integram speciem perfecti corporis cum membris, & partibus omnibus aptissime dispositis, quod est illud unum & simplex, quod requiritur in fabulâ.

*In verbis etiam tenuis, cautusq; ferendis
Dixeris egregie, notum si callida verbum,
Reddiderit iunctura nouum. si forte necesse est,
Indicijs monstrare recentibus abdita rerum,
Fingere cinctus non exaudita Cethegis
Continget, dabiturq; licentia sumpta pudenter.*

Tria sunt, inquit Cicero, in uerbo simplici, quæ Orator asferat ad illustrandam atque exornandam orationem, aut inusitatum uerbum, aut nonatum, aut translatum. Ex hoc triplici ornandi genere vnum ne tantum genus, an duo ponat, hic Horatius, magna est inter Interpretes pugna, tum de uerborum, tum de sententia dissidentes. alii enim volunt hic agi de verbis tantum nouatis vel coniunctione, & hoc primo loco; vel sine coniunctione, & hoc secundo loco: alii volunt primo loco significari translationem; secundo loco verba nouata. Nemo quicquam dicit, cur prætermiserit inusitata, id est prisca, & vetusta, quæ ab usu quotidiani sermonis iamdiu intermissa, Poeta iudicio delecta rursus quasi profert in lucē. quam operam in Poeta præcipue laudat Horatius in Epistola secundi libri, ad Iulium Florum sic scribens:

*Obscurata diu populo bonus eruet, atq;
Proferet in lucem speciosa uocabula rerum:
Quæ prisca memorata Catonibus atq; Cethegis,
Nunc sinit informis premit, & deserta vetustas,*

Quin.

Quin & Cicero dicit hæc esse Poetarum licentiæ liberiora, quam Oratoris. Cum igitur hic de Oratione Poetica sit professus se dicturum, quam & in hoc Libello & alibi ostendit multo cultu limatam esse oportere, non est existimandum aliquid hic Horatium temere vel dicere vel omittere. Tentemus igitur, an aliquid dicere possimus, quod cum Horatiana locutione consentiat, quæ est maxime accurata, & minime tamen quæ ob contractionem vel ambiguitatem in varios sensus iure trahatur. Primum igitur, cum hoc ornatu verborum simplicium, de quo hic agitur, sit oratio veluti floribus, vt Cicero docet, conspergenda, & parce dispositis quasi luminibus distinguenda, præmunit aptissime doctrinam hanc de oratione illuminanda tali verborum ornatu, sic incipiens:

In verbis etiam tenuis cautusq, serendus. Parcum .n. esse iubet, & cautum: nam opus est etiam prudētia, & iudicio; & verbum *serere* nihil aliud significat quam conspergere. nā tenuitas, & calliditas quid aliud, quæso, spectat, quam modum vtendi & collocandi eiusmodi Lumina? sequitur, *Dixeris egregie*: an non ex his verbis expectandum est, vt in medium afferat ornandi genus, quod excellat & præstet omnibus, & orationem egregie illustret? tantus certe honos tribui non potest verbis nouatis, factis ex coniunctione, quibus Poetæ Tragici præcipue utebantur: cuiusmodi vocat Horatius ampullas, & sesqui pedalia verba, & alibi, ut docebo, verba solum dominantia, & inornata. Nemo autem dubitare potest ex his, quæ scribuntur ab omnibus, & Græcis, & Latinis de Metaphora, quin in ornando, & illustrando huic Lumini palma tribuatur: & id in primis requirit iudicium, & ingenium, & propterea omnium etiam maxime delectat: quoniam si ratione facta sit translatio, is qui audit, inquit Cicero, aliud ducitur cogitatione; neque tamen aberrat: quæ maxima est delectatio.

Itaque non est credibile, Horatium in oratione Poetica tractanda, quam egregiam esse oportet, id misisse, quod eam omnium maxime facit egregiam, & illustrem. Sed ipsa quoque verba Horatij sunt expendenda, & ostendendum non posse illa accommodari ad significandum verbum nouatum, factum ex coniunctione, quale est *Expektorat* & *Versutiloquum*: atque quæ tam concinne describi modum faciendi verbi translati, vt nihil aptius, aut aptius dici possit. Verba sunt hæc, *Notum si callida verbum reddiderit iunctura nouum*. quod, quæso, specimen

cimen calliditatis apparet in faciendo verbo, *Expektorat*, aut, *versutiloquum*? quid in ijs iungendis est ingenij, quæ ferè traduntur imitatione de Græcis? deinde in eiusmodi exædificatione, & coniunctione, quodnam est verbum notum nouatum? siquidem compositio necesse est fiat ex multis. At contra vide, quàm mirifice quadrèt hæc omnia ad verbum transferendum. sumitur enim verbum notum, ueluti est lumen quod de Sole proprie dicitur, a quo illustrantur omnia. Hoc uerbum sic notum omnibus per analogiam, & similitudinem, quod Sol sic illustret omnia, virorum excellentium ingenio translatus est ad multa, qui dixerunt Lumē Ciuitatis, Lumen Reip. Lumen ingenij, Lumen consilij, Lumē orationis: & cū his singulis iudicio & prudenter coniunctum, ex noto factum est nouum, de iure suo migrans ad aliena. Est ergo in hoc ingenij & prudentiæ opere, & callida iunctura, & verbum notum redditum nouum. Eodem fere modo uerbum translatus significat, alio quoque loco dicens:

Ex noto fictum carmen sequar, ut sibi quiuissperet idem, sudet multum frustra q̃, laboret.
Ausus idem. tantum series iunctura q̃, pollet:
Tantum de medio sumptis accedit honoris.

Vbi etiam non cuiusuis esse monet recte transferre, & apte, sed hominis docti, & Philosophi. Verū hac de re diceamus, cū ad locum peruenerimus: quem locum, sicut etiam hunc, interpretantur longe aberrantes, ut nos existimamus, ab Auctoris sententia. Tantum nunc monuisse sit satis: cum dicit, *Series iunctura q̃*, non accipi iuncturam ab Horatio de compositione & coagmentatione in unum corpus, uti sunt verba facta ex coniunctione; sed de verbo adiuncto alteri verbo, sicuti, ciuitati, Reip ingenio, consilio, orationi, Lumen adiungitur. talem enim quandam continuationem significat uerbum *series*. Quare, cum tam multa concurrant ad idem confirmandum, pro certo tenere debemus, hunc esse uerborum Horatij legitimum & germanum sensum, ac uere dici *Egregie*, si Metaphoris sint apte & prudenter distincta carmina. Quod sequitur, pertinet ad uerba nouata: sunt enim abdita rerum, quæ concipimus animo τὰ νοήματα, quorum nomina, & uerba sunt indicia, & tanquam notæ. Et accipienda sunt uerba nouata utroque modo, vel coniunctione, vel sine coniunctione. Est enim præceptum simplex, & ἀπλὸν absque ulla distinctione.

ne. & quod præcipit, vt prudenter & verecunde in ijs verbis nouandis se gerant, vtrique generi verborum nouandorū conuenit. Multa enim impudenter dixerunt priores Poetæ; ut ille qui fecit *incuruicercuicum pecus*. non enim in hoc genere audere Latini feliciter omnia possunt, quæ Græci. Sed cur, Horati, nihil hic præcipis de vetustis inusitatis, quorum species digna sit, quæ in vitam & lucem pristinam restituatur? an satis tibi visum est, id vno verbo significare cum dixisti, *Cinctus non exaudita Cethegis*. Cur enim de verbis nouandis præcipiēs, *Cinctus*, verbum vetustum huc protulisti? Non est hoc casu factum ab homine, qui nihil temere facit, dicitur in scribendo. Et hoc ergo studium in eruendis obsitis vetustate vocabulis breuiter significare voluit, cum doceret rationes faciendi verba noua. Quod sit tribus maxime modis; primo in transferendo; deinde in verbis nouandis, vel coniunctione, vel sine coniunctione; tertio, qui deinceps dicetur, modo: nam inusitata non sunt noua, sed veluti in patriam de exilio reducta, vt hoc vocabulum, *Cinctus*: quod deductum a *Cincta*, quo significatur cingulum militare, vel ab eo quod cincti dicebantur obligati militiæ sacramento, significat militarein, & fortem virum: quæ prima fuit laus in Repub. Romana. Peregrinitas autem orationis, propter quam dictio Poetica longe recedit ab vsu communi, & Poetæ videntur aliena locuti lingua, hic præcipue tractatur ab Horatio. At noua, & quasi peregrina dictio efficitur præcipue tribus his, vt dixi, translatis, nouatis, & Græcis locutionibus imitandis: qua de re sic pergit dicere:

cinctu

*Et noua si sitaq; nuper habebunt verba fidem, si
Græco fonte cadant, parce detorta.*

Non puto hic significari Græcorum vocabulorum copiam, quibus aucta est lingua Latina: in his. n. quid sibi velit illud, *parce detorta*, non video. Aliud ergo, quod sit maiori operis, & ingenij, significatur: in quo & parcum esse deceat, & prudentem: detortum autem ad imitationem pertinet. Et puto significari imitationem locutionum Græcarum, qua imitatione verba Latina quasi nouantur. Grammatici vocant Hellenismum: de quo quædam notauimus in Methodo nostra Grammatica. sic enim more Græcorum dicuntur. modi Infinitiu pro Gerun

C

dijs

dijs & supinis, vt *Blandus ducere, Niueus videri, Lubricus aspi-
ci*; & illa de Græcis detorta sunt, *Expleri mentem nequit, &
Faciem mutatus, & Desine mollium querelarum*, & alia, quæ fie-
ri iudicio debent, & parce. Nouantur igitur etiam hac ratione
verba imitatione de Græcis sumpta; eiusmodique imitatio ap-
probatur: & talis nouitas fingendorum verborum non parum
splendoris acquirit dictioni Poeticæ.

Quid autem

Cæcilio Plautoq, dabit Romanus, ademptum

Vergilio Variog, ?

Ethorum virorum exempla declarant, de quo loquitur Ho-
ratus, id esse maioris operæ quàm transferendi Græca vocabu-
la in vsum Latij.

Ego, cur acquirere pauca

Si possum, inuideor ?

Hoc vero aperte indicat quod diximus de imitatione Græcæ
locutionis nouanda in verbis Latinis. Nā *Inuideor*, imitatione
Græcorum dictum est, qui verbo *αἰδέομαι* cum infinito vr̄tur pro
negare, nolle, & non concedere. Cur inuideor, *τι αἰδέομαι* cur
prohibeor acquirere pauca, si possum? hoc modo linguam Lati-
nam locupletarunt Cato & Ennius. Quin semper licuit, sem-
perque licebit signatum præsentē nota, id est quod non abhor-
reat a consuetudine loquentium, producere, vel, si mauis,
procudere nomen.

Hæc est Methodi prima pars communis omni Scribenti de
Poetica inuentione, dispositione, & elocutione.

Quam præceptionem aptissime claudit, & exornat pul-
cherrimis, & elegantissimis carminibus de rerum omnium vi-
cissitudine, de vsu ipso loquendi, apud quem ius est, & norma
loquendi. Itaque ab eo quoque accipienda sunt quæ progignit
noua. sic enim scribit ad Iulium Florum:

Adsciscet noua, qua genitor produxerit vsus

Vehemens & liquidus, puroque simillimus amni.

His expositis, persequitur quæ aptissime consequuntur.
Cum enim omnis Poësis sit imitatio, vt dictum est, & om-
nes, qui imitantur, non solum aliqua imitentur, sed aliquibus
etiam

etiam rebus imitentur, & Poetæ metro præcipue imitentur; docet & esse diuersa genera metrorum & numerorum, & quæ cuique generi rerum & Poematum iudicata sint, conuenire.

Res gesta Regumq; Ducumq; & tristia bella,

Quo scribi possent numero, monstrauit Homerus.

Res graues & magnæ, ut sunt res geste principum victorum, quo metro quasi tueri possent amplitudinem suam, iudicauit Homerus, & monstrauit: qui non solum Epici carminis & Poematis, sed omnis fere Poeseos, Aristotele teste, auctor est: quem fecisse omnia recte prædicat, & solum vidisse, quo vinculo constringenda & disponenda esset Epica fabula, ut esset vna. Scripsit igitur Exametro carmine Iliada & Odyssea, quod carmen non solum ipso numero, sed verbis electis, & oratione ampla, cuiusmodi esse deberet, docuit. itaque & Heroicum vocatur, & apud Græcos proprio etiam nomine Epos, quo vitur Horatius, vnde Epopæia, id est poësis scribens *τὰ μὲν*: habet enim nomen a genere carminis, sicut etiam Elegia. de quo genere carminis sic pergit dicere:

Verbis impariter iunctis querimonia primum,

Post etiam inclusa est voti sententia compos.

Sicut fecit de Epico poemate, sic facit etiam hic; coniungit metri genus cum re metro comprehensa. sic enim initio iudicatum fuit Pentametrum, additum Exametro, rebus miserabilibus descendis conuenire, quod hoc modo carmen, ex doloris vehementia fortiter inceptum, postea dolori ferendo animo succumbere, & quasi confidere videretur. Posteriores Elegorum Poetæ rem etiam lætam, & quæ ex sententia successisset, in amore præsertim, hoc carmine celebrarunt.

Quis tamen exiguos elegos emisit Auctor,

Grammatici certant, & adhuc sub iudice lis est.

Princeps quidem fuit Epici carminis Homerus: non ita certum est, quis fuerit Auctor Elegi carminis: multi enim nominantur, Callinus, Theocles, Terpander, Midas, Phryx: nec adhuc constat, cui potissimum id tribuendum sit.

Archilochum proprio rabies armauit Iambo.

Ad carmen Iambicum transit. præcis autem temporibus

scribit Aristoteles alios fuisse Heroicorum Poetas, alios Iamborum, & Iambicum carmen opprobriis aptum: vnde & *ambicū* est maledictis laceffere. itaque & hoc loco verbum, *Proprio*, non est referendum ad Archilochum, sed ad verbum *Rabies*: nullus, n. numerus aptior Iambo, qui est pes citus, ad rabiem & furorem maledicendi: & oratio irati, tamquam furentis impetu fluminis, rapida fluit Iambis.

*Hunc Socci cepere pedem, grandesq; Coturni,
Alternis aptum sermonibus, et populares
Vincentem strepitus, & natum rebus agendis.*

• Sicut metrum Heroicum, rebus aptum enarrandis, id quod fit in Epopia, ipsa experientia inuenit & approbavit; sic natura ipsa videtur inuenisse Iambum, quo in rebus agendis, & conferendis mutuo sermonibus vteremur. Non enim remotum est a dictione quotidiana cum, vt inquit ille, maximā partem ex Iambis nostra constet oratio. Reliquæ igitur species tres fabularum, quæ sermones quotidianos diuersarum personarum imitantur, hūc sibi ascribere pedem, licet veteres Tetrametris vterentur, magis ad Satyricā dictionem accommodatis: sed alio loco etiā dicitur de Iambo & trimetris, quos Socci, i. Comædix, Coturni, id est Tragediæ, cepere. Quod Horatius autē dicit *Alternis aptum sermonibus*, Aristoteles dicit *ἁπλοῦς*; & quod Horatius *Natum rebus agendis*, Aristoteles *κατασκευαστός*, sic vocans: Trimetrum: nam Tetrametrum dicit esse *ὑποχρονίον* & saltationi accommodatum. Quod vero dicit *Populares vincentem strepitus*, illud significat, Actoribus, quibus contenta voce dicendum erat, hunc pedem, qui citus est, fuisse omnium maxime accommodatum.

*Musa dedit fidibus Dijnos, puerosq; Deorum,
Et pugilem victorem, et equum certamine primum,
Et iuuenum curas, & libera vina referre.*

Poetæ non solum imitantur metro, de quo nunc dictum sit satis, sed etiam Harmonia & rythmo. Quod maxime faciunt, qui ad Citharam aptant carmen, vt Poetæ Lyrici. fit etiam in Tragedia in illis, quæ inter medios actus Chorus intercinat: quæ de re alio loco. Fiebat olim & in vetere Comædia. Nam

Satyra

Satyræ Tragediæ similis in hoc erat. Sed de his infra. Res quidem subiectas Lyrico carmini venuste describit. quo in carmine Horatius omnibus præstat apud Latinos. vult autem intelligi lambos, sed varijs modis temperatos, lyrae quoque fidibus conuenire. Vide in Epistola pene vltima primi libri, vbi sunt pulcherrima illa carmina,

*Libera per vacuum posui vestigia princeps,
Non aliena meo pressi pede. qui sibi fudit,
Dux regit examen: Parios ego primus lambos
Ostendi Latio. & reliqua.*

Et his igitur quibus imitantur, non solum rebus, quas imitantur, differunt inter se Poemata. Post metrorum genera, quibus magno iudicio distincta sunt a sapientibus Poetis diuersa rerum diuersarum Poemata, consequitur aptissime triplex character orationis, vel amplæ & magnificæ, vel gracilis, & qui medius est character inter amplam & gracilem orationem. sic autem transit ad hanc doctrinam.

*Descriptas seruire vices operumq; colores
Cur ego, si nequeo ignoroq;, Poeta salutor?
Cur nescire pudens prauè, quàm discere malo?*

In scientijs & doctrinis cognitio in primis requiritur, & exacta cognitio. Itaque cum Poetica multarum rerum cognitionem postulet, si quis, plerisque ignoratis, carminibus pangendis Poeta vocari velit, videat quàm id faciat impudenter. Qui ergo ignorat attributas mutationes, & varia metrorum, vt supra dixit, genera varijs rebus scribendis sapienti iudicio assignata, & simul ignorat non eodem colore & habitu orationis opera omnia scribi, sed suum cuique poemati characterem tribuendum esse, cur vult dici & salutari Poeta? Sic autem, & infra, vocat colorem tragicum, & apud Ciceronem quoque hoc modo accipiuntur hæc vocabula, *Color & habitus orationis.* Et *Figura dicendi*: quæ figuræ sunt tres. Vna enim (inquit Cicerò loquens de habitu, & quasi colore orationis) est oratio plena, & tamen teres, & tenuis, nec sine nervis & viribus, & ea quæ particeps vtriusque generis quadam mediocritate laudatur. Sic sua est cuique Poemati forma: alia elata ut in Tragedia: alia humilis, vt in Comœdia; media alia, vt est fabularum Satyricarum, de quibus infra dicit. Et Virgilius hanc triplicem formam expressit in bucolicis, Georgicis, & Aeneide. Hac de re ergo sic præcipit Horatius.

Ver-



Verfibus exponi Tragicis res Comica non vult:

Indignatur item priuatis, & prope focco

Dignis carminibus narrari cana Thyeste.

Ornat ipſe orationem ſuam, cum dicit *non vult, & indignatur.* Materia igitur Comica in rebus priuatorum hominum, humi-
li & quotidiano ſermone debet exponi; at Tragica materia re-
rum horribilium, quæ accidunt Regibus & viris principibus,
narratur oratione ampla & magnifica, ex verbis compoſitis, &
grandibus. Poemata igitur ſingula quæque locum teneant ſor-
tita decenter, & conuenienter rebus, quas ſubiectas habent.
De medio charactere dicetur, cum de fabula Satyrica.

Interdum tamen & vocem Comædia tollit:

Iratuſq; Chremes tumido delitigat ore:

Et Tragicus plerumq; dolet ſermone pedestri.

Hæc pertinent ad decorum dicentis, vt oratio ſit apta fortu-
næ & motibus animorum. Sic, vt alibi dicit, in Comædia *Pater*
ardens ſeuit, quod meretrice nepos inſanſt amica Filius. Lepide ve-
ro de Tragico dicit; *dolet ſermone pedestri*, quod ampla oratio,
qualis eſt Tragica, ferri videatur quadrigis. Et Telephus igitur,
& Peleus, cum in Tragedijs vterque inducitur pauper &
exul, ſermone pedestri dolere debent, ſi curant animum ſpe-
ctatoris commouere. ab ea enim fortuna elata oratio, & verba
Tragica ſunt aliena.

Pulchra ſunt Poemata exornata verbis & ſententiis; dulcia,
cum ea dicuntur, quibus animi commouetur in partes omnes.
Male mandata: eſt enim ſcriptoris peccatum, non hiſtrionis.

Format enim natura prius nos intus ad omnem

Fortunarum habitum.

Animus rebus externis, vel lætis, vel aſperis commouetur. ani-
mo igitur varie affecto varia aſſingenda eſt oratio; quam ſcili-
cet animi motus poſtulat. Omnis enim animi motus ſuum
quendam a natura habet vultum, & ſonum, & geſtum. ergo, ſi
dicentis erunt fortunis abſona dicta, Romani tollent equites
pediteſque cachinnum. Iam vero, ſicut apte poſt tres figuras
dicendi, quibus res ſcribendæ & Poemata diſtinguuntur, pri-
matim loquentium perſonarum fortunam & animorum motus
ſpe-

ſpectandos tamen docuit, quibus ſit, vt a figura dicendi, propria Poematis diſcedere oporteat; ita nunc huic doctri-
ne de oratione congruente cum fortuna perſonæ & motibus animo-
rum aptiſſime ſubiicit, quæ ſeparatim ſpectare deceat in Co-
micis perſonis, vt cuiuſque perſonæ decorum ſeruetur. qua
de re ſic præcipit.

*Intererit multum Dauus ne loquatur, Eroſiè,
Maturus ne ſenex, an adhuc florente iuuenta
Feruidus; an matrona potens, an ſedula nutrix;
Mercator ne vagus, cultor ne virentis agelli;
Colchus, an Aſiyricus; Thebis nutritus, an Argis.*

Optimè Lambinus, vir præſtans doctrina & iudicio, de Da-
uo & Eroto, differentiis moribus & natura ſeruis. Et ſeruo-
rum igitur ingenia ſpectanda ſunt, ſint ne, vt Dauus apud Te-
rentium, veteratores, & fallaces; an ſimplices & frugi, vt Eros
inducitur apud aliquem Poetam, cuius ea non extat fabula.
ſpectanda etiam gradus, & condicio, ſpectandum vitæ ſtudium,
ſpectanda prouincia, & patria. eſt enim incredibile hæc ſingu-
la quantum afferant in moribus diſcrimen. at oratio perſona-
rum moribus accommodanda eſt. Hæc autem prudentia de-
cori præcipue requiritur in poetis. Itaque pergit dicere & de per-
ſonis Tragicis.

*Aut famam ſequere, aut ſibi conuenientia ſinge
Scriptor. Honoratum ſi forte reponis Achillem,
Impiger, iracundus, inexorabilis, acer,
Iura neget ſibi nata, nihil non arroget armis,
Sit Medea ferox, inuitaque: flebilis Ino;
Perſidus Ixion: Iq̃ vaga, triſtis Oreſtes.*

Quod præcipitur eſt de perſona principe in fabula Tragi-
ca. Aut igitur hæc perſona nota eſt, vt Achilles per Homerum;
aut ignota, quam ad arbitrium ſuum effingere poteſt Poeta. Si
nota eſt, famam (inquit) ſequere, ſicut in his quorum ponit
exempla; ſi ignota & efficta a te, & noua: hoc enim eſt,
Siquid inexpertum ſcena committis, & audeſ

*Perſonam formare nouam, ſinge in ea ſibi conuenientia, ita
vt ſibi ab incepto ad imum conſtet, & inæqualitas ratioque mo-
rum inconfans fugiatur.*

*Difficile eſt proprie communia dicere, tuq̃
Rectius Iliacum carmen deducis in actus*

Quam

Quàm si proferres ignota indictaq; primus,

Hæc pertinere ad superiorem distinctionem de persona princeps tragica, vel nova, vel noua, nemo dubitare potest. Sic igitur inquit facilius esse ex persona & re, quam tractari Homerus, componere Tragediam, quod non tam facile a recto possit aberrari, quàm ipsum primum asserere in scenam ignota & indicta, in quibus, vt omnia sibi cōueniant, & consent, permagna opus est cautione & prudentia: atque, vt fabula talis sit, quæ ab alio melius concinnari non possit. Sic enim communia, idest indicta ore alio, quæ quilibet potest arripere, proprie dicuntur, idest fiunt dicendo eius propria, qui ipsa suo opte ingenio inuenit & scripsit. loquitur autem de compositione fabulæ, quæ ad personam Tragicam nouam referatur, a qua persona Tragica noua parare volebat apposite transitum ad Epicam fabulam, quæ noua est necessario semper, *propter Episodia, vt initio diximus, & nunc aperte intelligitur: cuius compositio est omnium difficillima, & doctum, ac ingenio præstantem Poetam desiderat. Initio monuit in consingendis Episodijs, vt talia scriptor comminisceretur, ex quibus in vnum corpus apte cōstrictis vna simplexq; fabula efficeretur: nunc docet quibus rebus virtus Epicæ materiæ contineatur. Nam ex illo verbo et audes personam formare nouam, cū apte subiecisset quasi significans cur audes, dixisset, *Difficile est proprie communia dicere*, quoniam verbum *communis*, sic vniuersè dictum, omnem inuentionem scriptoris excogitatam ingenio comprehendebat, & de Tragica persona iam satis erat dictum, nunc de fabula & materia Epica, quæ vna semper, & proprie dicitur & est noua, sic præcipit:

*Publica materies priuati iuris erit, si
Non circa vilem patulumq; moraberis orbem,
Nec verbum verbo curabis reddere fidus
Interpres: nec desilies imitator in arctum,
Vnde pedem proferre pudor veter, aut operis lex:
Nec sic incipies, vt scriptor Cyclicus olim:
Fortunam Priami cantabo & nobile bellum.
Quid dignum tanto feret hic promissor hiatu?
Parturient montes: nascetur ridiculus mus.
Quanto rectius hic, qui nil molitur inepte?*

*Dic

*Dic mihi Musa virum, capta post tempora Troia
 Qui mores hominum multorum vidit, & vrbes.
 Non fumum ex fulgore, sed ex fumo dare lucem
 Cogitat: ut speciosa dehinc miracula promat,
 Antiphatem, Scyllamq;, & cum Cyclope Charybdim.
 Nec reditum Diomedis ab interitu Meleagri,
 Nec gemino bellum Troianum orditur ab ovo.
 Semper ad euentum festinat: & in medias res
 Non secus, ac notas, auditorem rapit: & quæ
 Desperat tractata nitescere posse, relinquit.
 Atque ita mentitur, sic veris falsa remiscet:
 Præmo ne medium, medio ne discrepet ium.*

Sicut principium huius Methodi non est animaduersum, ut
 monuimus, ea continere, quæ pertinerent ad Epicam fabulã,
 quæ constaret ex Epifodijs excogitatis ingenio Poetæ, sic in
 his carminibus non est intellectum ea tractari, in quibus maxi-
 me virtus Epici Poematis, & laus Epici Poetæ cernitur. & hic
 quoque tamen erant, quæ nos attentos in hanc coniecturam
 ducerent. Nam præterquam quòd illud, *Nec sic incipies*, a
 quo carmine deinceps omnia pertinent aperte ad Epicum Poe-
 tam, monere debebat, etiam antecedentia quinque carmina ad
 idem pertinere, hæc prima verba *publica materies* post doctri-
 nam de Tragica persona noua, cognita natura Epicæ fabulæ,
 quam de viris & rebus magnis semper nouam esse oportet
 propter Epifodia, ex quibus, ut nunc videbimus, præcipue con-
 stat Epicum Poema, monere ipsa quoque debuerunt publicam
 materiam & communem, id est argumentum fabulæ, a nemi-
 ne acceptum, sed ab ipso Poeta inuentum, proprijsime dici de
 materia Epica. Nam Commune, cui Proprium opponitur, &
 Publicum, cui Priuatum ius opponit, ad idem significandum
 accipit Horatius, docturus qua ratione materies Epica, quasi
 res omnium vsui exposita, effici propria scribentis possit, &
 res ipsius priuata; ut scilicet ita componatur & tractetur, ut
 melius nemo possit, nec cuiquam plane relinquatur locus eius
 possessionis inuadendæ. Nullus autem artifex est, cui tam
 accurata proprii operis perfectio proposita sit, quam Poetæ
 operis sui; in quo Poeta, ut videbimus, mediocritas minime to-
 lerabilis est. Videamus igitur, ex quibus maxime possit Epicus
 Poeta laudari, Horatio docente, & quæ docet Homeri exem-

ploconfirmante; qui Homerus, Aristotele teste, omnia optime fecit.

Si non circa vilem patulumq, moraberis orbem.

Hoc primum est, in quo præcipue elaborandum est ab Epico Poeta, ut, orbe vili patuloque contempto, in alijs enarrandis immoretur, & Poema contexat. Quem autem vocet Horatius orbem vilem & patulum, nos primi ut putamus, inuenimus ex Poetica Aristotelis, & ex loco primi libri posteriorum Analyticorum, & ex loco in Elenchis. De his duobus locis diximus in Commentarijs nostris in Analytica: quæ loca nemo antea videtur intellexisse. In altero autem loco dicit Homeri Poësim esse *οἰκίαν*, quoniam videlicet sit *οἰκία*; in altero dicit *τὰ ἰσθμια ἄνδρες* esse, est autem *ἔπος* etiam apud Latinos carmen. Epicum: & *τὰ ἐπη* sunt Poemata Epica. In Poëtica vero, postquam monuit Aristoteles in Tragedia breuia esse debere Episodia; contra in Epopœia longiora, & ipsis fabulam Epicam produci, breuiter subiicit Odysseam ex duobus compositam, quorum alterum vocat eius Poematis proprium, alterum Episodia. Ac proprium quidem dicit esse idem fere, quod infra ponit Horatius, Virum quandam, qui captus post tempora Troiæ, multos annos errans, multorum hominum mores vidit & vices, & a Neptuno obseruatus, & omnibus amissis in Patriam tandem delatus, ignotus, & pauper, & domi offendens uxoris procos, ipsius facultates absumentes, & filio insidiantes, illis interemptis ipsum sospitem euasisse. Hoc fere proprium est illius Poematis: cætera, inquit, sunt Episodia, quæ infra vocat Horatius speciosa miracula, Antiphatem, Scyllamque & cum Cyclope Charybdim: cum quibus sunt multa alia ut Circe, Calypso, Phæaces, & alia inuenta ab ipso Poeta, in quibus laus omnis sita est illius Poematis. Quod igitur vocat Aristoteles proprium Poematis, nec adscitum aliunde, sed propriam rei propriæ continens historiam, id vocat Horatius orbem vilem & patulum; in quo enarrando non immoratur Epicus Poeta; sed obiter illud, occasione aliqua oblata, & breuiter exponit; in ipsis vero Episodijs a se inuentis magnifice enarrandis totus versatur: ex quibus etiam arte distributis, & connexis ipsum Poema videtur præcipue compositum esse. Constat ergo Epicum Poema ex duobus, nempe ex veris & fictis: quæ vera sunt, pau-

en, & fere nullam habent in Poemate dignitatem: vniuersa dignitas & amplitudo est in rebus fictis, quæ vocantur Epifodia. Recta vero utrorumq; compositio, & coagmentatio ita se habet, vt vera sint veluti extremus circulus, & orbis quidam, cuius intimam inanitatem replei oporteat rebus fictis & Epifodiis, ita tamen tum inter se conuenientibus, tum cum veris, vt ex omnibus apertissime distributis vnum efficiatur corpus. Hoc modo se habet Epicum Poema, & hic est circulus, & orbis Epicus. De quo sunt illa verba in posteriorib. Analyticis: *An non idem idest Epica Poemata, sunt circulus? & in Elenchis, Poësim Homericam esse circulum.* Nam apud Aristotelem pro toto Poemate accipitur orbis epicus, quoniam orbe historico contineantur Epifodia, in ipso summo artificio ita inclusa, vt vnum & simplex corpus videatur, ex ipsis compositum Epifodiis. Apud Horatium vero, qui docet in quo sita sit laus Epici Poetæ in Epica fabula componenda & tractanda, orbis Epicus est extimus circulus historicus, continens quod verum est fabulæ tractandæ: quem vilem appellat, ut nullam obtinent dignitatem in Epico Poemate; & parulum, ut in inanitatem Epifodiis arte replendam: in quibus Epifodiis, & rebus apte & prudenter fictis uirtus & laus vniuersa Epici Poematis consistit. Ex his enim scriptor laudem & nomen Poetæ nanciscitur: quod nomē amittit, si in orbe tantum historico immoretur, ut ille qui sic incēpit, *Fortunam Priami cantabo & nobile bellum:* de quo paulo post. Hoc artificium Epicæ fabulæ componendæ & tractandæ non solum in Homeri Vlyse, & achille irato, sed etiam in Enea Virgilij nostri licet intueri. Nam cum sumpsisset Virgilius dicēdum uirum, troiæ qui primus ab oris, Italiam fato profugus, Lauinaque uenit littora, multum ille & terris iactatus & alto, multa quoque & bello passus dum conderet urbem; orbem historicum errandi usque ad annum, quo peruenit in Italiam, obiter & breuiter exponit in tertio libro multis etiam admixtis, quibus ornat illam narrationem. At primus liber, secundus, quartus, quintus, sextus continent Epifodia illustria eiusdem uiri tempestare delati in Africam ad Didonem, unde est narratio excidii rerum troianarum, & nobilis tragœdia Didonis sibi mortem cōfiscantis, & reditus in Siciliā, ubi sunt ludi ad tumulum Anchisæ, & inopinatus contingit euentus exustarum nauium: cum quibus Epifodiis, delato tandem Aenea in Italiam, adiungitur Sybilla, & iter ad

inferos cum expositione rerum pulcherrimarum. Sic in bello administrando, & condenda Vrbe totum ferè constat ex Epifodiis, quibus Lauiniæ coniugis matrimonium quasi ornatur, id quod ad ueritatem historicam pertinebat. Voluit autem Virgilius, in vno Eneæ prudentiam & fortitudinem diuinam celebrans, Odysseæ & Iliados vno simul opere uirtutes effingere. Et, sicut apud Græcos solus Homerus & intellexit, & auctor fuit Epicæ fabulæ recte componendæ, sic unus Virgilius apud Latinos ipsam egregie expressit, & imitatus est. ex his puto satis intelligi id quod hætenus (quod sciam) nemo non modo intellexit, sed ne suspitione quidem uidetur attigisse, Quid sit non morari circa uilem & patulum orbem. quod Horatius declarare uoluit etiam altera sententia, ad idem significandum adiecta, *Nec uerbum uerbo curabis reddere fidus interpres*, id est nec tanquam fidus interpres & legatus, qui nullum uerbum immutat eius, quod sibi mandatum est ut denuntiet, sic tu nihil discedas a fide historica, nihil ipse cōminiscēs, sed hærens tantū in orbe uili ipsius historiæ, in eo lāguescas; sed, eo contempto, ad Epifodia inueniendā te conuerteres. Oportet ergo, si, quod scribendum, ut Poeta, suscepisti, cum laude scribere uis, orbe contempto uili, te conuertras ad Epifodia comminiscenda, quibus prudenter & apte ipsum orbem patulum repleas, desque operam, ut omnia sic inter se cohæreant, ut in unum corpus pulchrum & aspectabile coalescant, quemadmodum in huius Methodi initio prædictum fuit. in his enim Epifodiis inueniendis, & apte constituendis, & tractandis omnis Epicæ Poetæ laus posita est. His ita ad sententiæ Horatiæ & rei ueritatem, ut putamus, expositis, pergamus ad reliqua.

*Nec desilies imitator in arctum,
Vnde pedem proferre pudor uetet, aut operis lex.*

Poesis est imitatio rerum, actionum, & animi motionum; & uerbum *imitari* est effingere, & imitari. Hinc Poeta est, non qui metro quidlibet, sed qui ficta & fabulas scribit. Imitatur autem Poeta actiones, & mores uel magnorum, ut in Tragedia & Epopeia; uel humilium, ut in Comædia: & non solum imitatur honesta, sed etiam turpia. Cum igitur Epicus Poeta suscipiat scribenda bella, & res gestas Regum, & principum uirorum,

& Epici carminis maiestas sit amplissima; duo monet cauenda; Epico Poeta, ut nihil dicere conetur, quod vel turpe sit & abhorreat a rerum dignitate, quæ scribuntur, vel eiusmodi sit quod splendida & magnifica oratione explicari non possit. abietam enim orationem repudiat Epici carminis maiestas, atque illud pudor; hoc operis lex vetat. Vocat Desilire in arcum, imitatione, demittere se ad imitandum oratione in locum angustum, & rem, vnde vel pudor, obscæna refugiens, vel lex operis, inornata & laudæ carentia repudiandæ vetat te cum laude pedem efferre. Sic Virgilius rem turpem satis habuit verecundè significare, cum dixit, *Speluncam Dido, Dux & Troians eandem deueniunt*. sic in multis imitandis & transferendis ex Homero, de quibus longum est sigillatim dicere, ea tantum delegit & expressit, quæ dici splendide poterant. Nam Latini non omnia possunt oratione imitari, æque feliciter, quæ Græci, quibus dedit ore rotundo Musa loqui.

*Nec sic incipies, ut scriptor Cyclicus olim,
Fortunam Præm cantabo & nobile bellum.*

Scriptorem Cyclicum vocat in solo orbe, & orbe vili historico morantem, nihil ipsum a se inuentum afferentem, sed qui bellum Troianum, ut historicus, carmine scripserat.

Quid dignum tanto feret hic promissor hias?

Epicus Poeta, ut diximus, est promissi carminis auctor. nam statim quid sit dicturus profitetur. Reprehendit autem Horatius in hoc principio scriptoris Cyclici, & immorantis in orbe non inflatum verbis rurgidis carmen & numerum, sed nimis amplum & magnificum promissum, qui magna pollicentur, quasi hiant maxime ore profari, quod promittunt, videntur. Sic docet Horatius ex Homero cuiusmodi esse debeat Epici Poematis principium, proposito Odysseæ principio. In principio quoque Iliadis ostendit Homerus se velle canere iram Achillem, non bella & pugnas. Ex quo fortasse reprehendendum quis Virgilium duxerit, qui sic profiteatur: *At nunc horrentia Martis Arma*. Sed cum vellet ostendere triplicem differentem materiam, triplici charactere distinctam, se tractasse, necessario post iustus pastorem, & agri colendi rationem intulit materiam

κύκλος

teriam Epicam, horrentia Martis arma, & tristia bella, & verborum horrentia, vsus est, vt grãdiorem simul efficeret orationem: verũ Homerũ imitando statim pergit dicere: *Virumq; cano. & que coniunctio*, pro idest, accipienda est, vt sit: at nunc horrentia Martis arma, idest, Virum cano, qui primus, & reliqua. est autem magna laus multo maiora præstare, quam promiseris; & contra, turpe.

Quanto rectius hic, qui nil molitur inepte.

Sic Aristoteles quoque Homerum laudat, auctorem optimum Epicæ fabulæ. Confirmat igitur hæc monita quæ dedit Epico Poetæ Homeri auctoritate, qui bene fecit omnia. nam & sic inæcepit.

Dic mihi Musa virum, capta post tempora Troia

Qui mores hominum multorum vidit, & urbes.

Propositio fere continet quod pertinet ad orbem historicum. at promissio tenui speciosa miracula promittit;

Antiphatem Scyllamq; & cum Cyclope Charybdim.

His autem significat Epifodia, in quibus laus omnis Epicæ fabulæ consistit, quam Homerus optime vidit quomodo faciendā esset vna, cum omnia retulit ad actionem vnā vnus personæ, quæ persona & simplex actio proponitur; vt orbis quidam & circulus, postea replendus rerum miraculis, apte insertis & dispositis intra circulum, ita vt videantur corpus vnum.

Nec reditum Diomedis ab interitu Meleagri.

Ostendit Aristoteles, qui scripserunt Heracleida; vel Theseidem non vidisse, fabula quomodo fieret vna. Putarunt enim vnā esse, si persona vna scriberetur. verum & qui suscipit actionem vnā scribendam, vt reditum Vlyssis, id quod fecit Homerus, & Diomedis, quod fecisse dicitur Antimachus, non debet ex longe petito personæ vel rei principio fabulam contexere: nam & sic facit fabulam non vnā, sed multas & diuersas.

Nec gemino bellum Troianum orditur ab one.

In hoc vero contexendo opere incredibilem ostendit Homer

rus prudentiam. Non solum enim non orditur ab oui Ledæi fabulâ, ut ait Horatius, sed nec totum bellum decennale scribendum suscipit: Ultima belli aggreditur, annum Hectoreæ mortis: nec bellum promittit se scripturum, sed iram Achillis: ad quam vnicam actionem contextens Episodia, & Deorum dissidia, & legationes, & mirificas pugnas, vnum efficit ex omnibus corpus, & aspectabile. Quamquam enim longum opus est Epicum Poema; non debet tamen immensum esse.

Semper ad euentum festinat.

Arripit enim vltima, ut antea dictum est, de ordine Poematis Epici; & id facit, quasi auditor habeat quæ antecesserunt, perspecta, omnia tamen eum ordinem tenent, ut non videantur aliter debuisse ordinari.

et qua

Desperat tractata nitescere posse relinquit.

Hæc prudentia pertinet ad illud quod supra monuit.

Nec desilies imitator in arctum

Unde pedem proferre pudor vetet, aut operis lex.

Nihil ergo dicit Homerus, nisi quod splendide, & ex dignitate suscepti operis scribi possit.

Atque ita mentitur, sic veris falsare miscet,

Primo ne medium, medio ne discrepet inium:

Hoc pertinet ad Episodia, quibus orbis vilis & patulus replendus est. sic enim veluti compacta & constricta cum ueris ficta & falsa esse oportet, ut corpus vnum integrum efficiant, quod principium, medium, extremum sic habeat, ut inter se membra omnia mirabiliter consentiant, nec mutari quicquam possit, nisi perturbetur totum, nec auferri, ut integrum esse non desinat.

Haecenus de orbe Epico, & materia fabulaque epica componenda, distribuenda, tractanda, & scribenda, quæ breuiter quidem attigit Horatius; sed ex Homero, quem proposuit ut egregium omnium exemplar, existimauit omnia intelligi facile posse ab his, qui ijs audiendis idonei essent. Scribit enim his, qui harum rerum non sint prorsus imperiti, quique in Poësis versati sint. De fabula ergo Epica, quamuis docti viri aliter

ter sensisse videantur, ea præcipit Horatius, Homero locupletissimo auctore proposito, quæ vniuersam eius fabulæ recte scribendæ rationem contineant. Redit ergo ad ea, quæ restant de reliquis fabulis.

Tu quid ego, & populus mecum desideret, audi.

Quæ in scenis aguntur, non solum iudicantur a iuris doctis, sed etiam a populo, cui satisfaciendum in primis est, ne fabula exigatur. Quid igitur illud sit, quò potissimum fabula Comica placere possit, ostendere vult.

Si plausoris eges aula a manentis: Qui expectet donec aperiat-
tur scena, sublati aulæis quibus obtendebatur, & aueat audire Comicam fabulam, & in ea audienda deinde perseueret usque in finem, hoc præcipue obseruandum est in componenda fabula:

Aetatis cuiusq; notandi sunt tibi mores,

Mobilibusq; decor naturis dandus & annis.

Ex illis, quæ præcepit obseruanda in personis Comicis, seligit quod maximum omnium pondus habet, ut decenter effingantur mores ætatum ipsa oratione, quam singulis attribuimus. Hac de re etiam infra, ubi ait: *Respicere exemplar vitæ morumque iubebo Doctum imitorem.* in Comædia vero inducitur omnis ætas. Itaque in personis priuatis, & liberis & seruis, ut utroque sexu in Comædijs effingitur imago vitæ quotidianæ. Oportet igitur Comædiam esse bene moratam, in quo existit præcipue laus fabulæ Comicæ. Videntur autem in his describendis ætatum moribus etiam ab Aristotele multa deprompta esse ex secundo Rhetoricorum, & etiam ex libris Ethicorum. Sunt hæc carmina pulcherrima, & habet hæc descriptio iucunditatem, apte interpositam in docendo. Post hæc transit ad Trægædiam, de cuius persona principe, siue nota siue noua, satis antea dictum est.

Aut agitur res in scenis, aut acta referitur.

Trægædia proponit res miras, & incredibiles, & scæda facta & atrocia. Præcipit igitur quæ sub aspectum in scenam producere, quæ non deceat producere, nec agi coram spectatori-
bus: Sunt autem eiusmodi rerum exemplis Græcorum plene

Tra-

tragœdiæ, cum per eloquentiam præsentis nuntij sic ea gestâ esse spectatoribus narrant, vt pene coram geri videantur. Cuiusmodi vero sint hæc, ipse exemplis declarat.

*Neue minor quinto neu sit productior actû
Fabula, quæ posci vult, & spectata reponi.*

Præceptum commune est fabulis scenicis, vt Actibus distinguantur. Porro, cum omnis fabula constet principio, mediâ, & fine, & Epica, quæ longior cæteris est, nec certis veluti finibus terminata; sit tamen tanta oportet, quæ apta partium distributione, veluti perfectum quoddam animal vno quasi obtutu perspicui possit, & animo comprehendî; tanto magis fabula, quæ agenda prodit in scenam, commoda longitudine aspectabilis esse debet. Cuius actionem vnam Aristoteles vna Solis conuersione terminari præcipit. Eam vero longitudinem ex lectione poetarû debere distribui in quinque Actus Horatius præcipit. Quam, n. vnam actionem suscipit fabula scenica vna Solis circumactione terminandam, eam posse cõmode, si recte distributa sit, peragi, ijs, ad quas res pertinet, personis non amplius, quam quinquies, in scenam prodeuntibus animaduertit: in tragœdijs autem, vt nunc ostēdet, Chorus fere aliquid cõcinnando, quod proposito conducatur, distinguat actus Tragicæ fabulæ.

*Nec Deus interfit, nisi dignus vindice nodus
Inciderit.*

Ad Deos poetæ confugiunt, cum explicare argumenti exitum non possunt, inquit Cicero. Tragici vero poetæ loquentē Deum exhibent in scena, ipsum quidem non visibilem, sed præsentiam uoce testante suam, adhibita machina in scena, per quam vox egressa quasi ex tuba maior humana uoce sentiretur: sicut adhibetur Minerva in Sophoclis Aiace, colloquens cum Ulyse, & de Aiace infania illa explicans, quæ aliter ab homine sciri non poterant. Ad hanc igitur Machinam, non esse confugiendum Horatius docet, nisi dignus uindice nodus inciderit, qui dissolui nisi ope diuina possit.

Nec quarta loqui persona laboret.

Si quatuor personæ, re sic postulante, sint in scena, vt confusio vitetur, quarta sit admodum parca in loquendo.

E *Allo-*

*Actoris partes Chorus, officiumque virile
Defendat, neu quid medios intercinat actus,
Quod non proposito conducat, & hæreat apte.*

Duas partes sustinet Chorus in Tragedijs, & duo munera obit. est. n. & unus ex actoribus, singularisque persona totius corporis Hypocritarum, & histrionum, & intercinendo inter actum, & actum, modulationibus, & rhythmis delectat spectatores. Quod igitur pertinet ad utrunque munus, docet Horatius, quid Choris conueniat. Nam quatenus carmine delectat, oportet carmē illud sententias, & materiam contineat, quæ rei, quæ agitur, accommodata sit, & hæreat apte. quatenus autem sustinet actoris personam, non ei tribuitur, vt agat partem aliquam fabulæ, sicut fabulæ partes distributæ sunt cæteris personis; sed eius officium est, inquit Aristoteles, *non quomodo inducit Chorum Euripides, sed quomodo inducitur optime à Sophocle.* quod quale sit, hic preclare significat Horatius, cum dicit, *officium virile defendat.* id est uiri tortis, & boni partes sustineat; quod singillatim explicat postea, cum dicit:

*Ille bonis faueat, & consilietur amice,
Et regat iratos, & amet peccare timentes.
Ille dapēs laudet mensa breuis ille salubrem
Iustitiam, legesque, & apertis otia portis.
Ille tegat commissā, Deosque prece ur, & oret,
Vt redeat in sors, habeat fortuna superbis.
Hæc omnia sunt officia viri boni, cuius partes tueri
Chorus debet, cum actoris partes obit.
Tibia non ut nunc orichalco iuncta, tubæque
Aemula.*

Recte post Chorum intercinentem inter actus agit de Tibia, & tidibus, quæ adhibebantur ad cantum: imitatur. n. poetis Tragica, & scenica non solum metro, sed cātū, modulatione, & etiam Rhythmo: siquidem ad cantum accedebat & motus. vult autem ostendere id quod ferè cōtingit rebus in omnibus, vt rerum principia sint tenuia, quæ ab hominum ingenij successu temporum augeantur postea, & ad summum perducantur. Sic creuit Tragedia, & quæ pertinent ad Tragediā à tenuibus principijs, aucta. n. sunt omnia mirifice, Res musica, & vocum, & instrumentorum musicorum apparatus, Vcitis,

Vestis, elegancia, & copia scribendi, & oratio illustris grauitate sententiarum.

*Carminē qui tragico uilem certauit ob Hircum,
Mox etiam agrestes Satyros nudauit. & asper
Incolūm grauitate iocum tentauit, eo quod
Illecebris erat, & grata nouitate morandus
Spectator, functusque sacris, & potus, & exlex.*

Hęc est Quarta fabula, quę Satyra uocatur. Et miror viros doctos existimasse hic agi de Satyris inducendis inter actus Tragediarum, ut n. demus fieri initio potuisse, ut Satyri miscerentur hoc modo cum Tragedijs, quod tamen nec uideo unde id probent, nec id Horatius dicit; nihil certe erat, cur nunc de his sic inducendis inter actus Tragediarum quicquā præciperet Horatius, cum Tragedia ad summum decus perducta eiusmodi iocos, & nugas omnino respueret, nec quisquam omnino probare possit hoc tunc factitatum fuisse. Tractat ergo, & docet, quomodo scribēda sit hęc fabula, & instruit scriptorem Satyricę fabulę, sicut antea fecit de alijs tribus fabulis. Primum autem originem ostendit; deinde quo caractere, & orationis stylo iudicet ipsam esse scribendam, ut differat a Tragedia, & Comędia; tum dicit & de personarum decoro. Si quis uero cupit eiusmodi fabulę compositionem uidere, legat Cyclopem, Satyram interiectam inter Tragedias Euripidis, qui facit Silenum cum Satyris seruientem Poliphemo, Cyclopi Aetnę in Sicilia, quo tempore illuc Vlysses delatus est. *Ob hircum uilem.* qui initio fuit præmium agentis Tragedię, cum, ut modo dixit, indoctus rusticus, Urbano confusus fabulas spectaret, & paruo spectante populo ageretur fabula. *Mox etiam agrestes Satyros nudauit.* non miscuit cum Tragica fabula; sed mox, & post Tragediam peractam, aliam fabulam ex Satyris nudis egit, & in scenam adduxit, fuit ergo, qui Tragediam scripsit initio, etiam auctor Satyrę. *Et asper incolūm grauitate iocum tentauit.*

Est n. Satyra fabulę genus iocosum. in quo tractando quoniam cum Satyris, qui finguntur natura dicaces, inducuntur personę tragicę, ut in Cyclope Vlysses, ita moderanda erat asperitas dicacitatis, ut etiam personarum grauium decorum seruaretur. sed de hoc paulo post. *eo quod illecebris erat* ex qua

causa orta sit Satyra, & scripta ab auctore tragicę fabulę, vt post Tragediam, quę argumento tristi constabat, animus spectantis aspectu iocoso, & grata nouitate exhilararetur. Quod vero dicit. *Functusque sacris*, non male hinc argumentantur Tragediam, Satyrain, Comędiam inceptisse à rebus diuinis.

*Verum ita rifores, ita commendare dicaces
Conueniet Satyros, ita vertere seria ludo.*

Vult ostēdere, quo charactere, & stylo scribenda sit Satyra, quę & est iocosa ob dicacitatem Satyrotum, & constat etiam ex personis Tragicis; & cum ageretur post Tragediam quę erat de rebus magnis, & grauibus, perinde id fiebat, ac si quis mutaret seria ludo. Vnde igitur commendabitur scriptor Satyrorum?

*Ne quicunque Deus, quicunque adhibebitur Heros,
Regali conspectus in auro nuper, & ostro,
Migret in obscuras humili sermone tabernas.*

Humilitas, & tenuitas sermonis Comici non conuenit Satyrę: in qua & Dij, vt Silenus, & Heroicę, tragicęque personę inducuntur, vt Vlysses ante conspectus in ostro in Aiace Tragedia, & postea ponto multum iactatus in Cyclope.

Sed dum uitat humum, nubes, & inania capet.

Rursus grandis, & elata oratio tragica non conuenit Satyrę, alia est, n. conditio Vlyssis, cum est apud Ilium vir magnus, & Princeps inter Principes viros; alia, cum varijs temptatibus actus peruenit ad Cyclopa Atneos.

*Effatire leues indigna Tragedia versus,
Vt festis Matrona moueri iussa diebus,
Intererit Satyris paulum pudibunda proteruis.*

Sensus horum carminum est: tragicę personę sic interesse debent in Satyra, & cum Satyris ita sermones serere, vt non abiciant omnem prorsus suę dignitatis grauitatem, sicut Matrona, iussa saltare festis diebus, nō more uiliū fceminarum corpus agitat, sed uerecunde mouetur. est igitur habenda nō nulla ratio dignitatis personarum, & sermo ipsis tribuendus qui conueniat. qualis uero esse debeat, nunc dicit:

Non ego mornata, & dominantia nomina solum

Verba-

Verbaque Pisones Satyrorum scriptor amabo.

Coactiora sunt omnia, quæ hic dicuntur ab his, qui existimant hæc præcipi de Satyris interiectis inter actus Tragediarum, cum sint de Satyra, fabula distincta ab alijs tribus, & genere personarum Satyricarum, quanquam esset mixta, & tragica aliqua persona, ut in Cyclope adhibetur Vlysses, a quo ex Homero sumpta est fabula; & metro: utebatur. n. Satyra tetrametro potius, magis accommodato saltationi Satyrorum, & Cylcopis; cum Tragedia, & Comædia magis uterentur trimetro. Sed eam distinguit Horatius etiam Characterē. cum vero tenuis character sit Comædiæ, & elatus Tragediæ, cur neuter conveniat personis Satyricis, in quibus adhibentur, & Dij, & Heroes, iam dixit. Quid ergo faciendum est? non utar, inquit, his, quibus utitur Tragedia. quæ vero illa sint, supra significavit, cum dixit, *Proiecit Ampullas, & sesquipedalia verba*. cuiusmodi nomina, & verba longitudine amplitudineque præstantia propria tragicæ orationis, nunc vocat inornata: nam verbi ornamentum proprie positum est in tropo, in quo tropo obtinet primas Metaphoras: in verbis autem ampullatis, & sesquipedalibus tumor tantum est, & longitudo inflata. Itaque *recte* & *recte* vocantur etiam dominantia, quasi regnum quoddam obtineant inter alia sua magnitudine, & amplitudine. non utar ergo, inquit, stylo tragico.

Nec sic enitar tragico differre colori,

Ut nihil intersit; Davus ne loquatur, & audax

Pythias, emuncto lucrata Simone talentum;

An custos famulusque Dei Silenus alumni:

Nec item me deiciam ad humilitatem sermonis Comici. vidimus antea, cum loqueretur de forma, & habitu orationis, usum esse vocabulo coloris, ut nemini dubium esse possit, hic tractari de characterē, qui Satyrę conveniat.

Ex noto fictum carmen sequar.

Cum tam aperte ostendar se quærere, quæ stylus orationis conveniat Satyræ, & reiecerit grandiloquentiam Tragicam, & humilitatem Comicam, quam aliam, quæso, sententiam his verbis subiectam iure quis existimet, nisi quæ significet orationis formam congruentem Satyrę? Cum vero inter elatam, & humilem orationem una sit media interiecta, hanc ostendit esse propriam Satyrę. Sed media ipsa, ut quisque potest ex Cicerone didicisse, tropis omnibus potissimum temperata est.

itaque

itaque & Virgilius sic ornauit Georgicorum opus. His ergo verbis, sicut antea, cum dixit: *notum si callida uerbum Reddiderit iunctura nouum*, significatur Metaphora, quæ prima est, & excellit maxime inter tropos. callida. n. iunctura uerbi translata reddit carmen, & orationem, ex qua constat carmen, ut modo fictam, & nouam ex uerbo prius noto, cum uersaretur in communi loquendi consuetudine.

P's sibi quiuis speret idem.

Oratio prudenter, & apte translatis distincta luminibus, ut mirifice delectat, sic uidetur etiam res, quam possit quiuis facile imitari, & efficere: verum si quis idem conetur, rem esse magni laboris experietur. itaque Virgilius sic inquit, id expectus de opere Georgicorum.

*Nec sum animi dubius uerbis euincere magnum
Quam sit, & angustis hunc addere, & bus honorem.*

Ergo recte sequitur:

Sudet multum, frustra que labore

Ausus idem. tantum series iuncturaq, pollet,

Tantum de medio sumptis accedit honoris.

Diximus antea de his uerbis, *series, et iunctura*, quam apte id significant, quod fit in uerbo transferendo, cum e suis ueluti migrans ad aliena traducitur appositum, & iunctum uerbo, apud quod uerbum est tanquam hospes. Cum uero, ut inquit Aristoteles, non sit cuiusuis, tropis, & alijs ornamenti recte uti, & decenter, tum uero maximum, & difficillimum esse affirmat transferre, idque ad ingenij præstantiam pertinere, & ad doctrinam. non. n. id recte faciat, qui non possit recte de simili philosophari. Vis igitur magna, & splendor magnus est in uerbo recte translato, sumpto de medio, id est de communi loquendi usu: nec cuiusuis est recte transferre, & plurimum laboris est in carminibus, quæ ad mediam formam pertinent, hoc tropo decenter illuminandis.

Syluis deducti caueant, me iudice, Fauni,

Ne uelut innati truijs, ac pene forenses,

Aut nimium teneris inuenientur uersibus unquam.

Aut immunda crepent ignominiosaque dicta.

Offenduntur. n. quibus est equus, & Pater, & res:

Nec si quid fricti Ciceris probat, aut nucis emptor,

Aequis accipiunt animis, donant uel corona.

Carminis tenuitas, & n. ollitudo posita est in numero lenis

fic

fic laudat Horatius numerum Virgilij in carminibus dete-
rustica, cum dicit:

Molle atque facetum

Virgilio annuerant gaudentes rure Camœnæ.

Nam facetum pertinet ad orationem, metaphoris venustis lætam atque ridentem. Quod igitur præcipit Horatius, ad numerum pertinet, & ad uerecundiam: quorum duorum ratio sumpta est ab illis primis verbis, *Syluis deducti*. Nam cum Fauni, & Satyri in syluis nati sint, & vixerint, minime illos deceat carmen molle nimium, omni prorsus numerorū asperitate sublata. hoc. n. est artis. itaque viderētur innati in Ciuitate, vbi uigent artes; non in syluis, vbi nihil artificiosum. Tēperetur igitur numerus, vt non abhorreat aliqua saltem ex parte ab ipsorum natiuitate, & vita. Quoniam autem & in uerecundi natura finguntur Satyri, propter honestatem spectatorum, a quibus probari debent, caueant, inquit, ab obscenitate verborum, quæ, vt placere possit vili plebeculæ, honestos certe viros, & ingenuos plurimum offendit.

Hactenus exposita sunt, q̄ sunt præcipua susceptæ Methodi de Poetica: quæ cū sit imitatio, exprimens hoium vitā fictis fabulis, certas habet species fabularū quatuor; & sūt fabula Epica, Tragica, Comica, Satyrica. De singulis tractauit, ac primū de constitutione Epicæ fabulæ, quæ est omnium difficillima, quoniam constat ex multis Episodijs, ingenio poetæ excogitatis. Itaque, quod commune est omni fabulæ vt sit vna, hoc præcipue elaborandum esse docuit in ea fabula, in qua facilius peccari posset. Quod vero pertinet ad uniuersam compositionem Epicæ fabulæ, quæ cōstat ex ueris, & falsis, Homerum proposuit auctorem optimū, a quo discere licet, & quæ sit virtus orbis Epici, & quomodo singula talia esse oporteat, quæ in corpus vnum pulcherrimum coalescant, ita vt primo ne medium, medio ne discrepet imum; tum quo sint distribuenda ordine; cuiusmodi esse deceat carminis principium; quo metro, qua carminis amplitudine, & maiestate, qua elegantia orationis, qua prudentia scribendum sit Epicum Poëma, perfectum omnium magistrum esse docuit Homerum. Cum eo, quod in fabula maxime postulatur vt sit vna, docuit breuiter, & de ordine, & de elocutione. Non. n. idem est ordo disponendę fabulæ, & historiæ. quod vero pertinet ad elocutionem, quanquam nō idem cultus est orationis in omnibus fabulis;

fabulis; oratio tamen Poetica communiter hoc requirit, vt sit in suo genere excellens; Tragica vero, & Epica præcipue talis est, vt poetæ videantur a iena locuti lingua. De cultu carminis egregio erit & alius dicendi locus. Sicut fecit de fabula Epica, sic tractauit de Comica, & Tragica, quomodo differant materia, oratione, & stylo; quomodo seruandum sit decorum in fortuna personarum tragicarum mutata; quomodo idem faciendum in varietate personarum Comicarum; quid seruandum in Principe persona Tragædiæ, siue nota sit, siue noua; de decoro seruando moribus apte effingendis ætatis cuiusque; quæ non sint promenda in scenâ, nec sub oculos; de longitudine fabulæ scenicæ; de machina adhibenda in Tragædijs, de choro tragico; de Harmonia, & Rhythmo in his quæ Chorus intercinxit dixerat & ante obiter non solum de Poesi, quæ imitatur metro tantum, vt epopæia, & Elegia, sed etiam de illis quæ adhibent Harmoniam, & Rhythmum, vt est Lyrica: dixerat metrum ex iambo confectum assumptum esse a Comædia, & Tragædia. Postquam autem ostendit ortum tenue, & incrementa Tragædiæ, & omnium quæ pertinent ad Tragædiam, ita vt Tragædia, sicut etiam dicit Aristoteles, videatur ad summum peruenisse, & nihil in ea desiderari, ostendit postremo de reliqua fabula quarta, scriptores Tragædiarum fuisse etiam auctores Satyrarum: quippe in quas inducerent etiam personam aliquam tragicam. Huic docuit conuenire characterem medium, qui tropis ornatur; numerum uero carminis non mollem penitus; & cauendam esse verborum obscenitatem, quæ animos ingenuos, & honestos offendere possit. Quæ sequuntur partim, secundo veluti loco, Methodum susceptam attingunt, vt de ortu, & laude poetices, de uetere Comædia, & noua, de latinis prætextis & togatis, cuiusmodi debeat esse mendaciū fabulæ; partim a re non aliena monent Poetas Latinos. Nam & in veteribus erat quod iure posset reprehēdi, & Horatij tempore omnes carmina facere, & poemata scribere audebant, quod ignorarent cuius hominis esset id posse recte facere. Itaque ostender, quantum ingenij, quantum doctrinæ desideretur in scriptore carminum, & in poemate scribendo non posse ferri mediocritatem, sed summam & absolutam numeris omnibus perfectionem requiri. Primum igitur docet, rationem metri iambici diligenter obseruatam a Græcis, Comicis, & Tragicis Poetis, non lic a Latinis, quos &

dignos

dignos reprehensione ostendit. Vt igitur superiora sunt: veluti propria membra Methodi instituta, & eā intime attingunt; sic quæ sequuntur, ab eadem Methodo nō aliena, reliqua comprehendunt, quibus recte scribendi carminis ratio cōtinetur.

*Syllaba longa breui subiecta uocatur Iambus,
Pes citus. Vnde etiam trimetris occrescere iussit
Nomen Iambis: Cum senos redderet ictus
Primus ad extremum similis sibi; non ita pridem
Spondeos stabile: in iura paterna recepit
Commodus & patiens, non ut de sede secunda
Cederet, aut quarta socialiter.*

Dixit antea Comædias & Tragædias hunc cepisse pedem, alternis aptum sermonibus; nunc declarat cuiusmodi essent carmina Iambæa, quibus Fabulæ scenicæ vrentur, quæ trimetra vocabantur. Ascruerunt quidem ipsum Iambum, quia propter celeritatem esset aptus sermonibus ferendis mutuo, ut sit in illis fabulis. & quoniam in Trimetris iure dominaretur, à se illa vocari voluit. Quid ergo erant Trimetra Iambæa? cum (inquit) initio è sex Iambis continuis constaret versus Iambicus, & Senarius vocaretur, quod senos redderet ictus, in quibus singulis erat dupla proportio, postea tardior ut paulo, grauiorq; veniret ad aures, locis imparibus Spondeos stabiiles admisit, ac mutata dimensione coniugationeque facta duorum pedum dissimilium, in quibus erat proportio sesquitertia, videlicet quatuor ad tria, nomen ipsi hoc accreuit, ut ex binis coniunctis pedibus alia facta dimensione, pro senarijs trimetra vocarentur. ornat autem multo lepore sententiam hanc, cum dicit,

Iussit; Recepit in iura paterna; Commodus & patiens.

Verbum, *socialiter*, indicat quam dixi *ouk-riay* & coniugationem duorum pedum, quibus ita componendis ex eiusmodi trina dimensione hæc carmina Iambica Trimetra vocata sunt, sicut ex duabus coniugationibus Dimetra, ex quatuor Tetrametra. Non solum autem carmen Iambicum admittit imparibus locis Spondæum, sed etiā pares temporibus Spondeo ut Dactylum & Anapestum: Trochæum prorsus repudiat; quæ admodum ubi Trochæus dominatur, Iambus minime conuenit. sunt enim pedes inter se contrarij. Hinc auris erudita Phili-

nij in Præfatione ad Vespasianum reprehendit Catullum: qui in Endecasyllabis, in quibus trocheus dominatur, permutatis prioribus eius carminis syllabis, ab iambo, scilicet indifferēter incipiens, duriusculum se fecit, quàm volebat existimari a veraniolis suis, & fabullis: brevis enim syllaba duriore & aridior sono percutit aures. Id apposite monuit Plinius, dum Catulli verba sumens pro *Meas* fecit *Nostras*. non enim aliter recte sequatur, vt obiter emolliam. quod non animaduertentes Viri docti, incredibile quàm inepte in eo loco interpretando, vel emendando laborent.

Hic & in Atti

Nobilibus trimetris apparet rarus, & Enni.

Hinc potest quisque causam intelligere, cur legem ostenderit Trimeterorū. hanc. n. legem sic veteres tragici Latini contempserant, quasi eam nescissent: quorum poemata aliās nobilia erant & verbis & sententijs. Nam vix iambo relictus est locus vltimus: quod significat his verbis, *apparet rarus*. ita qui nominari deberet iambus, iure pulsus paterno, nullum in Trimeteris apud eos nomen habet. mutatus est enim numerus & celeritas carminis: quod significat dicens:

In scenam missos magno cum pondere versus.

Sunt enim trimetri versus effecti tardissimi, facti ex spondeis, & non amplius iambi, sed Spondaici vocandi sunt. peccarunt autem vel negligentia, vel ignorantia. neque enim alia potest asferri eius peccati causa: quorum vtrunque scriptori turpe est. Is autem est ordo huius sententiæ: Ea res, quod rarus iambus appareat in trimetris, premit versus eiusmodi missos in scenam cum magno pondere, ex spondeis scilicet tardissimis, crimine turpi, aut operis celeris nimium, curaque carentis, idest scripti carminis negligenter, aut artis ignoratę, & legis conficiendi trimetri.

*Non quivis uidet immodulata poemata index,
Et data Romanis uenia est indigna poetis.*

Audiunt Tragædias & plebs imperita, & viri elegantes, & docti. Quid si scriptores non putarunt sibi in eo laborandum, quod hoc peccatum non quivis esset visurus? quid, si qui id viderunt, illud ipsis facile ignouerunt, nec esse putarunt magni momen-

si, qm

momenti? quod pertinet ad hoc secūdum, vno illo uerbo respondet, *Indigna fuit eiusmodi uenia*. nullo enim modo eiusmodi peccatum dignum erat uenia. quod uero pertinet ad primum, sic respondet:

*Idcirco ne uager scribamque licenter, an omnes
Uisuros peccata putem meatutus, & extra
Spem uenia cautus?*

Non est aberrandum a recto, nec faciendum licenter, quoniam id ceteri cognituri non sint. Immo tam diligenter cauendum est, ne pecces, ut semper putes omnes uisuros peccata tua, hoc nimirum uno tutus, & nulla spe ueniæ fultus.

*Uitau denique culpam,
Non laudem merui.*

Hoc illo spectat, ut significet in carminibus scribendis non satis esse culpam uitare; sed ita scribendum esse, ut sis dignus laude. Quanto ergo studio vitandum est, nequid peccetur? uidebimus infra, in Poeta non mediocritatem, sed summa omnia requiri. Ut ergo Pisones laudem assequamini in scribēdo,

Vos exemplaria Græcæ

Nocturna versate manu, versate diurna.

Poetæ Græci doctrina & ingenio abundantes, quæ scripserunt, ea ferè perfectæ sunt, aut ad id, quod perfectum est, proxime accedunt. ab his exempla petenda sunt recte scribendi.

*At vestri proauis Plautinos & numeros, &
Laudauere sales, nimium patienter virumque,
Ne dicam stulte mirati: si modo ego & vos
Scimus inurbanum lepido seponere dicto,
Legitimumque sonum digitis callemus, & aure.*

Non solum Tragici Latini, sed nec Comici Trimeterorum, faciendorum legem seruauerunt. Inter quos tamen veteres Romani videntur mirifice delectati numeris & facetijs Plauti: tametsi qui sit metricæ artis peritus, aures illorum imperitas iudicare, & vir elegans Plauti dicta pleraque scurrilia, & tabernaria esse facile intelligere possit.

Ignotum Tragica genus inuenisse Camæna

*Dicitur, & plaustris vexisse Poemata Thespis,
Qua canerent agreniq, peruneti fecibus ora.*

Origo & incrementa traduntur Tragœdiæ, & eorū quæ pertinent ad Tragœdiā. Incipit autem à Tragœdia, quod existimatur reliquas fabulas vetustate antecedere. nam aliud est qd Aristoteles facit Homerum omnium fabularum auctorem, quod in eius Margite esset expressa Comœdiarum similitudo; in Iliade & Odyssea Tragœdiarum. & pro laudicis poetis ait Comicos successisse; pro epicis, tragicos. hic traditur initium poematis Tragici apud Athenienses, qui sibi & frugum, & doctrinarum, & religionis, & harum omnium fabularum laudē & inuentionem vindicabant. Primus igitur Thespis fecit carmen, quod per Chorum agebatur & canebatur in honorem Liberi Patris, idque in plaustris circumactis per pagos: quod carmen Tragicum vocatum est ob hircum, quod Poeta donabatur. sic enim supra dictum est, *Carmine qui Tragico vilem cecinit ob hircum.* Hoc idem significat & Virgil. II. Georg. *Non aliam ob causam Baccho caper omnibus aris caditur, & veteres inque profcena ludi: Premiag, ingenys pagos & compita circum Thesida posuere.*

Alij volunt Tragœdiæ nomen deductum à fecibus, quæ Græce dicuntur, quod Chorus ille caneret carmen illud, ut hic dicit Horatius, *perunetus fecibus ora.*

*Post hunc personæ pallag, repertor honesta
Aeschylus, et modicis instrauit pulpita tignis,
Et docuit magnumque loqui nitig, corburno*

Quamquam alij post Thespim ante Aeschylum scripserunt Tragœdias; tamen, quoniam primus Aeschylus postea tragicus fuit qui laudari possit, ceteros omittit. Ornauit Tragœdos palla, veste honesta usque ad talos, quæ etiam postea pretiosior facta est & longior. quod antea significauit, *Traxitque vagus per pulpita vestem:* rursus Græcis est. sic pulpita maiora facta sunt & ornatiore. fuit Aeschylus primus tragicus grandiloquus, sed styli maiestas maiore iudicio aucta est à Sophocle. Hinc illud, *Sola Sophocleo tua carmina digna corburno.* quod & Aristoteles testatur, & supra significauit Horatius.

*Et tulit eloquium insolitum facundia praecept,
 Nilum sagax rerum & diuina futuri
 Sortilegis non discrepuit sententia Delphis.*

utrumque

*Successit vetus his Comædia, non sine multa
 Laude.*

Post Thepsim & Aeschylū succedere, qui veterem Comæ-
 diā scripsere, ut Crates, Cratinus, Eupolis, Aristophanes. fuit
 hæc initio Comædia perutilis ad mores emendandos: nam
 ut etiam Horatius testatur Sat. 4. libri primi.
*Siquis erat dignus describi quod malus, aut fur,
 Quod mæchus foret, aut ficarius, aut alioqui
 Famosus, multa cum libertate notabant.
 Hac libertas, ut scribit ad Augustum,
 Recurrentes accepta per annos
 Lussit amabiliter, donec iam saeuus apertam
 In rabiem verti cæpit iocus, & per honestas
 Ire domos impune minax. dolere cruento
 Dente lacessiti. fuit intactis quoque cura
 Condiione super communi. quin etiam lex
 Pœnasq; lata, malo qua nollet carmine quenquam
 Describi.*

Alcibiades enim Princeps Reipub. Ath. Eupolidis & Aristo-
 phanis tempore, id lege cauit. Idem à Græcis acceptum cautū
 fuit lege duodecim tab. ut est apud Ciceronem in libris de
 Rep. Siquis carmen condidisset, quod infamiam faceret flagi-
 tiumve alteri. cuius rei meminit etiam in 4. Tusculan. ne li-
 ceret fieri carmen ad alterius iniuriam. & Horatius Saty. pri-
 ma secundi libri.

*Si mala condiderit in quem quis carmina, Ius est
 Iudiciumque esto.*

Sic ergo & hoc loco,
*Sed in vitium libertas excidit & vim
 Dignam lege regi. Lex est accepta.*

Itaque sublata libertate turpiter nocendi, Chorus, qui ad-
 hibebatur in veteri Comædia, obtinuit, & cōuerso stylo ad be-
 nedicendum, alio argumento & modo confecta est noua Co-
 mædia: in qua floruit Menander, & alij multi.

*Nil intentatum nostri liquere Poete,
 Nec minimum meruere decus vestigia Græca*

Aufis

*Ausi deferere, & celebrare domestica facta,
Vel qui Prætextas, vel qui docuere Togatas.*

Postquam satis dixit de origine fabularum poeticarum, quarum Græci auctores extitere, aptissime adiungit Prætextas & Togatas, quæ Latinæ sunt, & pertinent ad laudem Latinorum Poetarum. non solum enim Latinus Poeta, ut scribit in Epistola ad Augustum, otio parto post Punica bella, animum appellens ad Poetas Græcos Tragicos;

*Tentauit rem si digne vertere posset,
Et placuit sibi natura sublimis & acer:*

Nam spirat Tragicum satis, & feliciter audet.

idem

Et item fecit in conuertendis Comædijs Græcis, sed relictis argumentis Græcis celebrauit domestica facta, tragœdias scribens argumento Latino, quas Prætextas vocauit ab ornatu principum Romanorum, & Comœdias Latinas, quas togatas vocauit ex personis togatis. tales comœdias opinor scripsisse Fundanium, amicum Horatij; de quo in Satyra decima libri primi.

Arguta meretrice potes, Dauoque Chremeta

Eludente senem, comis garrere libellos

Unus viuorum Fundani.

Quod enim Græcarum Comædiarum personas nominet Diuum, & Chremeta Terentij, id solum significat, illum mirabiliter inducere seruos herum fallentes dolis: & Prætextam scripsit Pollio: de quo post Fundanium sic scribit:

Pollio Regum

Facta canit pede ter percusso, idest trimetro.

Quo argumento esset illa Tragœdia Latina, indicat Ode prima Libri secundi: qua de re Virg. quoque in Bucolicis.

En erit unquam,

Illa dies mihi, cum liceat tua dicere facta?

En erit, ut liceat totum mihi ferre per orbem

Sola Sophocleo tua carmina digna Cothurno?

Post hanc laudem Latinorum Poetarum maxime apposita subiicit, quid desit poetis Latinis, sicut supra reprehendit negligentiam in faciendis trimetris.

Nec virtute foret, claris ue potentius armis,

Quam lingua Latinum, si non offenderit unum-

Quemque Poetarum lima labor, & mora.

Id quod significat etiam in Epistola ad Augustum.

Sed turpem putat in scriptis, metuitque lituram.

Nolunt Poetæ Latini, sicut res poscit, lête & fastidiose scripta sua iudicare, & viris doctis iudicanda tradere. Cum hoc ergo sit in primis studium iudicandi & corrigendi adhibendum ad perficiendum ab omni parte Poema, Pisones suos ita monet:

Vos o

Pompilius sanguis carmen reprehendite, quod non

Multa dies, & multa litura coercuit, atque

Perfectum decies non castigavit ad vnguem.

Ita diu carmen premere & castigare, oportet, minimis etiã quibusque maculis deletis, quoad perficiatur ad vnguẽ. Hac de re dicitur & infra magis aperte. nisi enim tale sit carmen, quod & laudent & admirentur omnes, dicet non esse tolerandum.

Ingenium misera quia fortunatius arte

Credit, et excludit sanos Helicone poetas

Democritus: bona pars non ungues ponere curat,

Non barbam, secreta petit loca, balnea vitat.

Nanciscetur enim pretium nomenque Poeta,

Si tribus Anticyris caput insanabile nunquam

Tonsoni Lycino commiserit. o ego laevis,

Qui purgo bilem sub verni temporis horam,

Non alius faceret meliora Poemata.

De hac sententia Democriti, & Plato, & M. tullius. sed facete Horatius ludit: qui stulte insaniam, & furorem, de quo Democritus, accipiendo, stulti & ridiculi efficiuntur, ut sic transeat ad illud quod serio monendum est, sine quo recte scribere nemo potest. itaque sequitur:

Verum

Nil tanti est. ergo fungar vice cotis, acutum

Reddere qua ferrum valet, exsors ipsa secandi.

Munus & officium nil scribens ipse docebo,

Vnde parentur opes, quid alat, formetque Poetam,

Quid deceat, quid non, quo virtus, quo ferat error.

Quoniam omnes passim scribebant carmina, vult ostendere, qualem virum poscat hoc studium. ea vero breuiter monebit

nebit & vniuerſe de homine, & de re ipſa, vt ad illa quæ diximus ſupra Methodum ipſam intime attingere, niſi il amplius deſiderari poſſit, quod dici ſit neceſſe de Methodo ſuſcepta.

Vnde parentur opes.

Opottet enim Poetam virum eſſe, vt videmus, admodum locupletem.

Quid alat, formetque Poetam.

Opes autem requiruntur ad alendum, perficiendumque Poetam: nam opus Poetę deſiderat artificem perfectiſſimũ.

Quid deceat, quid non.

Hęc de re, vt opus tale efficiatur quod iure placere debeat.

Quo virtus.

Præſtantia Artificis, qua perficitur opus. Nam opera omnia in omni arte, ſua quæque virtute perficiuntur.

Quo ferat error.

Hęc enim res ludicra, & vt vocantur, nugæ iſtę niſi ſcriptor, vt oportet, præſtet virtute, ſuum ſcriptorem ſeria ducẽ, in mala deriſum ſemel, exceptumque ſiniſtro.

Scribendi recte ſapere eſt, & principium, & ſons.

Sapiențię doctriinæque poſſeſſio: non ergo ſine Philoſophia recte ſcribi poteſt.

Rem tibi Socratica poterunt oſtendere chartæ.

Socrates apud Platonem de omni rerum genere diſputat: demonſtrat ergo. vnde parentur opes, & poſſeſſio ſapientiæ, niſi autem opera Poetæ multiplicem doctriinam oleant, place re diu non poſſit.

Verbaq; prouiſam rem non inuita ſequentur.

Sic ergo & Cicero: rerum enim copia, verborum copiam gignit. cognorit ramen opottet ornatiffimos quoſque ſcriptores. Ita facile in rerum abundantia ad orationis ornamenta, ſine duce, natura ipſa, ſi modo eſt exercitata, labetur. præterea ſi eſt honeſtas in rebus ipſis, quæ ſcribuntur, exiſtit ex rerum natura quidam etiam ſplendor in verbis.

Qui didicit, Patria quid debeat, & quid amicis,

Quo ſit amore parens, quo frater amandus, & hoſpes,

Quod ſit conſcripti, quod iudicis officiũ, quæ

Partes in bellum miſſi ducis. ille proſectio

Reddere perſona ſcit conuenientia cuique.

Poeſis

Poesis est imitatio morum & vitę. itaque illa præcipue philosophia requiritur in Poeta, quam Politica facultas complectitur, de iustitia, de officio, de ciuitatibus instituendis & regendis, de vita & moribus, de pace & bello, & omnibus quę versantur in hac vitę societate: quo reddere personę sciat conuenientia cuique.

*Respicere exemplar vitę morumque iubebo
Doctum imitorem.*

Apte dicit *Imitorem doctum*. doctrina enim antecedit oportet, vt possit recto iudicio inspicere, & animaduertet vitas & mores hominum, qui differunt ingenijs, ætate, fortuna, studijs, genere, ciuitate. ex hac. n. animaduersione diligenti veras oportet ducere uoces, q̄ tribuantur personis Fabulę.

*Interdum speciosa locis morataque recte
Fabula.*

Hoc secūdum *morataq̄ recte* est interpretatio antecedētis, *speciosa locis*. Poesis. n. locos oēs vitę & morum tractat scite & docte: & Poeta nihil aliud est, quā doctus morū imitator. *Nullius veneris*. Quamquam nullo uerborum fucato nitore splendeat oratio. *Sine pondere & arte*. significat grauitatem electorum uerborum, & artem adhibitam in concinnanda oratione.

Sic versus inopes rerum nugęque canora.

Sūt in quibus nitet ab omni parte splendor orationis, nullā redolentibus doctrinam, & philosophiam. nec illa superiora perfectā sunt, quibus deest nitor orationis: sunt tamen præterenda, si cum his conferantur; & hoc interdum etiam populus iudicat.

Grays ingenium, Grays dedit ore rotundo

Musa loqui, præter laudem nullius auaris.

Præstant ingenio Græci, id non adimit Latinis: sed significat ad præstantiam doctrinæ id quoq; requiri. habent linguā, ex qua facilius, quā ex Latina, rotundior & suauior efficiatur oratio. multum enim laborauit Virgilius in molli Georgicorum carmine condendo. sunt Græci, glorię cupidissimi: quod in omni re perficienda incredibile quantum intersit. Romani sunt pecunię cupidiores. itaque Plautus etiam non astricto percurrat pulpita socco, & legem negligit trimetri iambæi. Gestit enim numum in loculos demittere, posthac securus cadat, an recto stet fabula talo. Huic igitur sententię facete adiungit sequentia carmina de pueris Romanis, quos ple-

G rique

rique patres mittebant in Flauij Magni ludum, ut est in Saty. vj. primi libri. Sed ex his saus est, si nos intelligamus ad Poemata condenda afferri oportere præstantiam doctrinæ & ingenij, acerrimum studium, laborem, diligentiam, ex quibus omnibus nihil aliud spectemus, quàm gloriam.

Aut prodesse volunt, qui delectare Poeta:

Aut simul & iucunda, & idonea dicere vita.

Siquis consideret originem illam faciendorum carminum, cum postquàm populus functus esset sacris & potus, Fescennina licentia versibus alternis opprobria rustica fudit, & deinde inuentas, & compositas tanto artificio fabulas, & ornatum egregium orationis, & numerum ipsum carminū; intelliget in carmine, & poemate spectatam esse præcipue voluptatem: Viri tamen docti, vt Sophocles & Euripides, & Comici quoq; magno iudicio cum voluptate, quæ videtur finis præcipuus carminis, coniungere, vbicunq; res se offerebat, præcepta vtilia vitæ, quibus torquerent ab obscænis, & formarent animos præceptis ad virtutem amplectendam. Hoc illud est, quod antea significauit Horatius.

Utilemque sagax rerum, & diuina futuri

Sortilegis non discrepuit sententia Delphis.

Hanc nunc sententiam, præceptum completentem vtile vitæ, monet breuem esse oportere, vt memoriæ facile mandari & retineri possit. sit astricta verbis simplicibus & necessarijs. nihil hic sit superuacui, quod videatur tanquam euomi ex pleno stomacho. elucet eiusmodi sententiæ maxime in Horatio, quibus mirifice illustrat sua poemata. Et de Euripide testatur Cicero: cuius versus prope singulos singula putat testimonia. significat igitur esse reiicienda carmina, quæ nec prosint, nec delectent, dicit illud esse omnibus præferendum, qui miscuit vtile dulci.

Ficta voluptatis causa, sint proxima veris:

Nec quodcunque voles, poscat sibi fabula credi:

Neu prans Lamia viuum puerum extrahat aluo.

Poeta non est scriptor rerum vere gestarum: quod ex ipso quoq; nomine intelligi potest. & fabula res est ficta, & ad delectandum inuenta, vt ergo magis delectent, ea etiam scribunt quæ veri non possunt. monet ergo ne sint tam longe disiuncta à veris: quale est illud quod dicit de Lamia: sed sint proxima veris, & vt dicit Aristoteles *αὐτὸν ἄρα μὲν, ὁ δὲ δὲ*, quæ tametsi fieri non possint, probabilitatem tamen quandam habeant, vt quæ

que multa Poetæ fingunt facta vi diuina, hæc & admirabilitate delectant, & magis eligenda, quàm quæ fieri possint, & non videantur probabilia.

Centuria seniorum agitant expertia frugis :

Celsi prætereunt austera Poemata Rhamnes :

Omne tulit punctum, qui miscuit utile dulci,

Lector em delectando, pariterque monendo.

Hic meret ara liber Sosis : hic & mare transit,

Et longum noto scriptori prorogat ænum.

Ex vario palato Senatorum, & Equitū, quos Equites, & diuites & elatos ostendit etiam in Epistola ad Augustum ad voluptatem magis propensos, cum dicit:

Verum equitis quoque iam migravit ab aure voluptas

Omnis ad incertos oculos, & gaudia vana.

Ex horum igitur diuerso palato concludit, qui velis oib. placere, eum oportere & delectare & prodesse, eiusmodi poemata enim ab omnibus, & ad peregrinas terras deferri, & scriptoris nomen immortalitati commendare.

Sunt delicta tamen, quibus ignouisse velimus.

Nam neque chorda sonum reddit, quem vult manus & mens :

Poscentique grauem per sepe remittit acutum :

Nec semper feriet quodcunque minabitur arcus.

Verum ubi plura nirent in carmine, non ego paucis

Offendar maculis, quas aut incuria fudit,

Aut humana parum cauit natura.

Supra monuit, longa mora ita limandum esse poema, ut ab omni parte sit absolutum & perfectum, itaque & poetam oportere esse omnibus doctrinis excultum, & ingenio excellere. nunc ergo illò nos vult perducere, ut doceat in Poeta mediocritatem non posse laudari, sed summa omnia & perfecta requiri: vix enim venia dari potest, atque id opere in longo, si maculæ quædam leuiiores deprehendantur ex incuria & imbecillitate humana: quæ quidem conati ad perfectum, peruenire vero vix, aut ne vix quidem potest.

Quid ergo?

Ut scriptor si peccat idem librarius usque,

Quamuis est monitus, venia caret : & citharedus

Ridetur, chorda qui semper oberrat eadem.

Hæc sunt peccata ingenij tardi & negligentis, quale studio Poetico minime idoneum est.

Sic mihi, qui multum cessat, sit Cherilus ille,

G 2

Quem

Quem bis terque bonum cum visu miror.

Ergo in huius carmine non plura nitent, vt antea dixit, vt paucis maculis ignosci possit, quas aut incuria fudit, aut humana parum cavit natura. *Et idem*

Indignor. quandoque bonus dormitat Homerus.

Tantum abest vt ferri possit qui multum cessat, & vix aliquando aliquid recte facit, vt ego indignor. quodcumque Homerus bonus alioqui, & praestantissimus in omnibus fere, videtur dormitare, & oscitater aliquid facere. verum, inquit, opere in longo fas est obrepere somnum. Ex his intelligi facile potest, quod antea dictum est, in poeta summum ingenium, summam doctrinam, summam diligentiam, summa omnia desiderari: ut opus, quod faciendum suscipit, summum esse possit.

Vt pictura poesis erit: quæ si propius stes,

Te capiet magis, & quadam, si longius abites.

Hæc amat obscurum: vult hæc sub luce videri,

Iudicis argutum quæ non formidat acumen.

Hæc placuit semel: hæc decies repetita placebit.

Quale igitur oportet esse poema conscriptum? sit illi simile picturæ, quæ si propius stes, te capiet magis. Nam est etiam alia quæ picturæ, quæ magis placet, si longius abites. cui picturæ quod est simile poema non vult attente considerari, nec in luce inspicere, & a peritis. quod vero poema vult sub luce videri, nullius docti iudicis formidat acumen. potest illud poema semel placere; hoc, quo sepius & attentius legetur, tanto magis placebit. talem oportet esse perfectionem operis poetici.

O maior iuuenum, quamuis & voce paterna

Fingeris ad rectum, & per te sapis: hoc tibi dictum,

Tolle memor: Certis medium & tolerabile rebus

Recte concedi, consultus iuris, et actor

Causarum mediocris, abest virtute disertæ

Messala, nec scit quantum Cascellius Aulus;

Sed tamen in pretio est: Mediocribus esse poetis,

Non homines, non Dij, non concessere columna.

Huc volebat peruenire, vt ostenderet non laudari mediocræ poetam, sicut laudatur mediocris iuriscōsultus, & mediocris orator. summa omnia requiruntur in poeta, & opus ipsius oportet sit absolutissimum: quod iudex Tatpa, quod Apollo, in cuius æde poemata recitabantur, quod assiduo ruptæ lectorum columnæ approbent; quod præster, quod ematur, quod mare transeat, & longum scriptori proroget æuum.

Ut

*Ut gratas inter mensas symphonia discors,
 Ut crassum vnguentum, & Sardo cum melle papauer,
 Offendant, poterat duci quia cena sine istis;
 Sic animis narum inuentumque poema iuvandis,
 Si paulum summo discescit, vergit ad imum.*

Sunt vnguenta, & Musici, & reliqua, quæ dicit Horatius, sicut scribit Homerus ^{ita dijuncta sunt} appendices & ornamenta epularum: cuiusmodi res oportet esse pretiosas, & quæ maxime laudentur: sic & illa, quæ apponuntur in secundis mensis cœniis iam saturis, esse oportet exquisitissima. Sic in quibus artibus non utilitas quaeritur necessaria, sed animi libera quædam oblectatio; quicquid est in quo offenditur, id etiam illa quæ laudanda sunt, obruit, atque in ijs hominum iudicium perdiligens est, & prope fastidiosum. in hoc numero sunt histriones. neq; n. Aesopum actorem præstantissimum, si paulum irracuisset, audissent. in hoc numero sunt Poetæ, & opera Poetarum, in quibus vel paruum peccatum omnem operis dignitatem obscurat. exquisitissima. n. ferè & perfectissima esse oportet, quæ non necessitatis, sed voluptatis causa comparata sunt.

Ludere qui nescit, campestribus abstinet armis,

Indoctusq; pile discine trochæne quiescit,

Ne spisserrimum tollant impune corona.

Qui nescit, versus tamen audet fingere. quid ni?

Liber et ingenuus præsertim census equestrem,

Summam numorum, vitioque remotus ab omni. Facete hæc subiicit more suo, postquam ostendit Poetam optimarum artium studiis excultum esse oportere. idem hoc modo reprehendit, & alibi: *Scribimus indocti, doctiq; poemata passim.*

Quod vero nunc lapide ludit de equite, de ingenuitate, de bonitate, de diuitijs, infra eadem de re susius iocabitur. non solum enim oratione culta, & hilari ornat institutam Methodum, sed etiam iocis præsertim in fine.

Tu nihil inuita dices, faciesq; Minerva.

Id tibi iudicium est, ea mens: siquid tamen olim

Scripseris, in Meis descendat iudicis aures,

Et patris, & nostras; nonumque prematur in annum.

Membranis intrus positis delere licebit,

Quod non edideris. nescit vox missa reuerti,

Eruditione erat studio paterno, ut antea significauit hic adulescens, dixit enim, *Quamuis & voce paterna fingeris ad rellum, & per te sapis. verum non solum doctrina, sed ingenium etiam requi-*

requiritur in Poeta, & aptum ad id quod suscipitur. propterea monet:

Tu nihil inuita dices faciesq; Minerva. & præterea, si quid unquam scripseris; adhibe doctorum iudicium, qui in alto tempore & multa litura coerceant scripta, ut supra dictum est: nec emittantur, nisi ad unguem castigata & perfecta.

*Siluestres homines sacer interpretæque Deorum
(adibus, & visu fado deterruit Orpheus.*

Lepidis, ornatis, suauibus, & numerosis carminibus extollit studium poeticum: in quo si difficillimum est excellere, nemo mirari debet. sunt enim omnia præclara rara. studium diuinum est. hominem diuinum requirit. nec carmen res leuis est, quamuis uocetur res ludicra; & scribere carmina ludere dicant, & carmina lusus & nugas. carmen antiquissima res est, qui enim primi scripsere, carmine scripsere. Poetæ fuerunt uiri sapientissimi, auctores Ciuitatum instituendarum. Epico carmine uirtus bellica, & uiri principes laudati sunt. Vitæ præcepta carmine monstrata sunt, oracula data, repertus ludus populis fabulis Tragicis, Satyricis, Comici. uidetur autem Horatius significare hunc adolescentem delectatum esse carminibus Lyricis dicens: *ne fortis pudori Sit tibi Musa lyrae solers, & cantor Apollo: Natura fieret laudabile carmen, an arte, Quæsitum est. ego nec studium sine diuite vena, Nec rude quid prosit video ingenium: alterius Sic altera poscit opem res, & coniurat amice.*

Ad illud hoc pertinet, quod attingit supra, dictum a Demotricio de Poetis: quos non arte & studio, sed natura valere oporteat, & mētis ac ingenij viribus. Hanc questionem ultimo loco, ut facit etiam Aristoteles in Methodis scribendis, breuiter & verissime dissoluit, Præstantiam ingenij ita demum ualere, si exulta sit magnarum artium disciplinis, nec locuples ingenium per se satis esse, nec doctrinam sine ingenio locuplete. Itaque monet, opus esse iam inde usque a pueritia acerrimo studio, maximo labore, summa industria uersatum esse in optimis artibus. sic enim inquit:

*Qui studet optatam cursu contingere metam,
& Multa tulit, fecitque puer, sudauit & alsit,
Abstinuit Venere & vino. qui Pythia cantat
Tribicen, didicit prius, exstimusque magistrum.*

Non

Nō secus faciendū est in excolēdo bono ingenio a pueritia, atque ille facit, qui cupit in stadio cursu vincere, aut aduersarium luctādo, uel cestibus. oēs a pueris exercentur in laboribus, Alipia magistro & duce. sic fit in ceteris fere artibus, omnibus, faciendo, & laborādo perdiscenda sunt, quæ præcipiuntur in arte. Poeticum studium est omnium difficillimum, in quo summa omnia requiruntur, ingenium, doctrina, labor, industria, contemptio voluptatum, mentis ardor ad gloriam, otium, facultas, & ratio discendi recta, suscepta ab ipsis promodum incunabulis.

Et hæc igitur Horatius cōplexus est, quæ uniuerse de Poeta, & de re, quā tractat Poeta, ut dicerentur conuenire uisa sunt: ut haberetur integra Methodus de Arte Poetica, scripta carmine ab intelligente Poeta, diu versato in optimis Poetis diligentissime cognoscendis, & qui eruditus a puero fuerat optimarum artium disciplinis.

Nunc satis est dixisse, Ego mira Poemata pango.

Vibana reprehensione in vulgus Poetarum ætatis suæ claudit opus, ostendens quid intersit inter iudicem assentatorem, & uirum doctum, ac bonum, cui carmen iudicandum tradatur.

Quintilio siquid recitares. Exemplum proponit sincerū & candidū iudicis. *Melius te posse negares.* Sicut torno perficiuntur opera, ut nihil relinquatur non modo quod reprehendi possit, sed quod speciosum non sit: sic perficienda sunt singula carmina, & quibus in sententijs & carminibus id fieri non potest, ea delenda sunt. Huc illud pertinebat, quod dixit de Homero, *Et quæ desperat tractata nitescere posse, relinquit:* nitida & splendida omnia sint oportet. *Vir bonus,* hoc ad fidem pertinet. *Et prudens,* hoc ad doctrinam & iudicium. *Versus reprehendendi inertes,* significat asperitatem numeri ob asperum & hiulcum verborum concursum. *Culpabit duros,* significat durā & horridā orationem, talē orationem in Epistola ad Florum vocat asperam, quam sano cultu leuare & polire oporteat. *Incomptis.* Nullum esse carmen oportet non elaboratum ad vnguem. Sed etiam in ornando videndum, nequid nimis, itaque sequitur: *Ambitiosa recidet ornamenta,* & ad Florum. *Luxuriantia compescet.* præterea tollenda est ambiguitas omnīs. *Mutanda notabit* uniuerse significat illa, quæ sunt in Epistola ad Florum.

Audebit quacunq; parum splendoris habebunt,

Et

*Et sine pondere erunt, & honore indigna ferentur,
Verba monere loco. & pro illis splendida, grauiā, & multum habentia dignitatis reponet, prudenter conspergens orationem nouis luminibus, verbis scilicet translatis, nouatis, inusitatis, & his quæ de Græco fonte cadant.*

Hic igitur requirit a Carminum scriptore, præstant ingenium, excellentem doctrinam, & accuratam ac longam in limando operam, ac ne sibi confidat, sed doctos in primis & fideles amicos consulat. Omnis autem oratio debet esse accurata, sed poetica omnium politissima & exquisitissima.

Vt mala quem scabies, aut morbus regius urget.

Ostendit quidem Horatius oportere Poetam excellere doctrina, & ingenio, & opus Poetæ esse hominis bene sani. Multi vero, ut antea vidimus, Horatij tempore ex Democriti sententia credentes Poetam non esse nisi furem, & insanum, omnia faciebant, quibus insani existimarentur: ut sic Poetæ nomen nanciscerentur. Postquam igitur, etiam ludēs, omnibus satisfecit, quæ iudicauit pertinere ad susceptam Methodum, siue artificem, siue opus artificis spectes, digrediens ad illos, qui propter insaniam videri volebant Poetæ, facetissime ludit eiusmodi Poetas, Lectorem huius libri in extremo iucundissima complens hilaritate. Est enim hæc Methodus scripta carmine; atque ita scripta, ut non solum doctrinæ utilitas, & admirabilis docendi ratio, sed verborum, & sententiarum multiplex ornatus, & numerorum suauitas, & argutiæ atq; vrbauitatis acumē, Lectoris non dormientis animum eruditum maxime commouere debeant.

Sed nos aliās huius doctissimæ scriptionis virtutes alijs demonstrandas concessimus: Metho-

dum ipsam tantum exponendam suscipimus: in quo perdifficili opere siquid

labor noster effecisse, nec inanis

conatus noster viris doctis

videbitur, iuuabit me

quoque post tot

interpretes

huic do-


ctissimæ tractationi aliquid

lucis attulisse.

F I N I S.

EIVSDEM
NICOLAI COLONII
CARMINA

*Ad Federicum Cornelium, cum esset
Episcopus Bergomi.*



V *M* partes summiq; Dei susceperis al-
tum
*M*unus, ut aeterna doceas praecepta salu-
tis,
Ignarusque via populis Dux optimus acri
Caelum ostendus cura: sim valde impro-
bus, aut te
Si falli patiar de me, aut si fallere coner,
Inlitor & quisque vita quas postulat usus
Rerum venditor est, non solum mercibus ipsis
Multa adhibet pigmenta, tibi dignoscere qualis
Sit res, qua inuideant: verum & mendacia miscet,
Nec iurare timet, modo pluris vendere possit.
Quid Medicus, Consultus iuris, cetera classis
Maiorum artificum? an quoniam isti in nobiliore
Munere versantur, minus ipsos vexat anarum
Querendi studium, mercesque suas sine furo
Ostentant i vilis ratio est versura lucelli:
A recto ut cursu & virtutem torqueat ipsam
At generosi quos incendis fulgor honoris,
Longe diuersum fallendi iter ingrediuntur;
Lucra pili haud faciunt: est hac gens prodiga nummi:
Magnifice adificat, vestit, largitur abunde,
Lautè conuinatur, multos pascit, & amplos,

H : Non

Non prore, sumptus facit, hac ut scilicet arte
Nobile se gerere, & pectus persuadeat alium.
Fuerit merito ciues, rerum & credantur habena.
Est & qui telto ambitionis carpitur igni,
Quoque domo arcta, victu sicca, vesteque vili
Ostendo capite incedens, vultusque seueri
Nube, gravis speciem & rigida virtutis adumbrat,
Caelum atque alta loquens, humana hac omnia temnens.
Multa hominum vario obiecit natura palato,
Quos facile capiamur: ad hac ut quenque libido
Proripit, ex quo vim lex, & mos sustulit, unus
Quisque dolis riuales vincere tendit est astu:
Atque adeo sæcunda hominum sunt pectora fraudis:
Ut, siue improba sit natura humana parente
Deducta olim mendaci, seu moribus istuc
Inualuit prauis, hoc vita nil aliud sit.
Quam plena insidiarum ars, mercaturæ, fallax,
Pulchrior hic quam est, ditior, hic, meliorque videri
Vult, ego doctior, hic generosior, omnibus omnes
Artibus id conantur, ut eludatur amici
Stulta fides, pretium fraudes & mercibus addant.
Nil ego nunc venale habeo, clausaque taberna
Paruo contentus sedeo: cur pelle nitenti
Detrahta addubitem, inuis si quid turpe tegatur,
Nudare, atque animi putam, veramque tabellam
Designare mei, nullisque coloribus auctam?
Olim fortuna, nunc natura, & mihi viuo.
Spectari decet in scena me nunc sine larua.
Qui sim, qui fuerim dicam. Pater optime gratas
Da queso aures, non te multis usque morabor.
Me, patre amisso puerili atate abeunte
Fors vestra in patria variarum diuite rerum
Esse iubet, locus atque atas custodis egentem
Molli nequitia adiunxissent, ni proba mater
Paupertas, inopem victus pepulisset ad artes,
Queis ego consulere melius famæque, famique:
Hinc Græci haudignarum sermonisque Latini
Vrbs Patani suscepit, felicissima, & o mi
Quam gratissima tempora, cum me viuere tecum
Contigit o Gerje, illa etenim vita illa vocanda est:

*Hac labor aut mors, quicquid te sine contigit aus
 In terris esse aut continget. tu caue quicquam
 Candidius potuisse putes meliusque videri
 Dins quàm iuuenis fuisse, & Episcopus olim
 Fani Fortuna; hunc Priolusque & Polus amicū
 Par, cui nil vlla anteferat, nil comparet aras.
 Hunc vènerabatur Bembus doctissimus; istos
 Heroas nam tunc vrbs illa illustris habebat.
 Tunc me etiā vixisse iuuat: tunc si qua bonorum
 Fortè habeo, arripui ex huius congressibus aureis.
 Ex illo miseram vitā palantis, es amplam
 Ingressus scenam, ac personam pauperis, atque
 Obscuri si diuite si mutare nitenti
 Vestitu possem conatus, qua mala passus
 Sim, non hūc libet enarrare; iocos potius, quos
 Et risus mecum facio, memor illius aui,
 Quantiuis pretij esse mihi cum alijsque videbar:
 Cum Roma instrato mulo de more vehebar.
 Consilium summi venabar Principis, aut quid
 Reges molirentur, quid Germania Magni
 Caesaris imperium tremens atque omnia miscens
 Iura Deique, hominumque. loquebar magna, animoque
 Sperabam maiora. Ecce autem missus adusque
 Sedulus extremos Dominus parat ire Britannos
 Legatus, medio itur frigore, verrimus alpes:
 Currentes mutantur equi, immensumque voramus
 Terrarum spatium. Oceani demum aquora classe
 Instructa transmittimus, heu spes vana laborum.
 Tantorum, nam febris Herum confecit iniqua.
 Ergo malis rerum & natura victus inerti
 Diuitias duris & fortibus aqus honores
 Concedo, piger ipse ac mollis ferre laborem
 Pauper & ignoto viam hic inglorius auo.
 Desidiam hanc anni iam bis sex usque fouere
 Pergunt ingenio plaudentes, quod malum abhorret
 Scilicet a virtute, laboreque, reque gerenda.
 Non ego turpe quod est inuoluam nomine pulchro.
 Atqui difficile haud erat, etatem artibus olim
 Quod primā ingenuis dederim, quod ledere quemquam
 Non ausim, suadere bonū me hanc viuere vitam*

Consilio, quia virtuti post omnia ponam?
Totus doctrina studiis, mentique colenda
Deditus, at non est ita: nam si quis petat à me
Quid sodes peperere tot annorum otia fructus:
Nil proferre habeam; bene si non, ergo mali quid
Improbè agis: non certè: etenim haud licet absque labore:
Quin mala quam bona vita negocia plura facessis.
Nequitiam egregiam narras, sic est, Pater, & te
Per virtutem, qua tu natus rebus agendis
Hos populos prudensque regis, fortisque tueris
Et mira pietatè foves Pastorque Paterque,
Per mite ingenium, quo fers sapienter ineptas
Stultitias aliorum quæso meam quoque perfer.
Per brevis est nunc lux, feriunt mala frigora pigros.
Deferet officium, nec te viset malus, excors
Cessatorque Colonius, id ne egre patiari:
Sive erret solus seu pugnet cum pituita,
Quodque tuos comites hunc inter habere Tridenti
Accures nihil est, qui verbo aut veste decenti
Non queat aut facie simulare, bonosque imitari.
Hunc ne ubi flos hominum ac doctusq; bonusq; Calinus,
Esse velis tecum? ignua marcescat ineptus
Hic vita sine, morbo etenim curarier haud vult.

Comprecatio pro Cardinali Albano.



*VI acclamarunt certatim in flore iuuenta,
Purpureique oris flumen stupore sonantis
Plenius; atque aures mulcentis vocibus aureis:
Qui res urbanas sapiens & munera belli
Traclauit: mirandum exemplar rebus acerbis
Inuicti qui animi fuit: huic valido atque vigenti
Mente Deus latam praesta facilemque senectam.
Qua per te semper virtus in luce refulsit,
Praniteat magno Heroum sanctoque senatu,
Vsq; tua dum vita plenus lae fruatur.*

*Comprecatio pro Augustino Valerio Epi-
scopo Verona, creato Cardinali.*



V E M nobili Adria sinu

Claris satum natalibus,

Et artibus cultum bonis,

Mens & voluntas optima

Carissimum omnibus facit;

Verona quo pulcherrima

Gaudet beata Episcopo:

Hinc tu, Pater Sanctissime,

Magnis adauxilium honoribus

Magnis adauge luminis

Opilus tui. quo dissipet

Aeros tumultus animi;

Et pectus armatum tua

Benignitatis gratia

Blandas amicū voculas

Repellat, atque in omnibus

Inuicta stet constantia.

Sic explicata callidi

Hostis dolosis retibus

Mens fertilis virtutibus

Te diligat, tibi hareat,

Atque in tua ~~in~~ spem gloria

Agat, loquatur omnia.

Tutela Numinis tui

Præsto sit illi ad omnia.

Nec ille te unquam deserat;

Nec deferat tu illum Pater.

Hæc te precamur unice,

Et cordis affectu intimo.

159 BA
SIC mihi omnia prospere euenire
Concedat Deus, viro ut et libenter

A Deo memori precatione

Semper poscimus, ut suo fauore

Vita tempora, cogitationes,

Et cursum moderetur actionum

Vestrarum: sed enim domi est abunde,

Quod foris petis alienationis.

Intra pectora, quod petis, recondis

Affluentia copiis beatus.

Depromas licet hinc odora thura;

Que gratissima fas sit offerantur.

Quous tibi omnia fas sit impetrare

Pro te pro populo & bonis amicis.

Vir optime fortiter sequendo

Quo Deus vocat & fauor virorum.

Servus. N.C.

Ad Petrum Spinum.

NUNC vuam tibi Spine pusillam, acinisque carentem.
 Non dat Berytos, nec Alexandria Carinis
 Aduellam Venetijs, Ingens fecundaque Vitis
 Horti, quæ domibus geminis Umbracula texit,
 Atque beat geminas prædulci, & diuite fruge,
 Produxit; lætæ mater non illa repenti
 Furno, sed puro siccauit sedula Sole.
 Omnia, quæis humana egeat natura creatis,
 Et quæ ad delicias, iucundamque omnia vitant,
 Itala propignit, Frugum ditissima Tellus,
 Aegyptium. Phœnicas, et cetera quærere Regna
 Non opus est; Hic hic sunt noster quæ exigit usus;
 Trudit Auaritia illuc nos & Sordida cura:
 Quam nec, proh mores, nostri maris ora repressit;
 Transluolat Hesperios fluctus, et litora nota
 Fastidit. Semotum orbem, maioribus ante
 Ignotum, iuuat integros accedere fontes
 Diuitiarum. Sed bene doctum pectus avara
 Curarum, Miserosque animo, Sæuosque Tumultus
 Excutit; Et vitam, Quam tu sapienter amasti
 Frugalem, Paucis contentam, amplectitur; ac se
 In tanta rerum turba, cæcisque tenebris,
 Natura & recti studio solatur ameno.
 Huic tandem studio multum optato, Huic ego vita
 Posthabui, Quæ Roma potens promittere Suevit
 Stultis. Ad quæ si mea mens malesana redire
 Olim moliretur, amicum non modo verbis
 Castigare tuum, verum et iuste memento.

Ad Camillum Catianum .



I, quod vulgo aiunt, id tu quoque das, CATIANE;
 Interdum supra betas; lapathumque olivorem,
 Quod foret in rem, apte & non contemnenda locutus:
 Et quando te cumque petit consultor ab agris
 Ignarus legum, sinon irascere, inter
 Narrandum causam, si forte obganniat extra
 Quid de iure ipso rectoque: has accipe nugas,
 Quas tibi scribit amicum, & videre licebit
 Rupibus aeris errantem Heliconis asellum.
 Non facile est dictu, quam me tua cognita virtus
 Arte devinctum teneat, sensusque animusque,
 Et mea mens in te prorsus consentit amando.
 Est tamen, est a te de quo dissentit amicus.
 Tu nihil esse putas, Larij quod duxite musa
 Non recte exponi possit scribique decore:
 Siue illa experiare, olim qua dius Homerus,
 Siue Ariostus qua nuper, convertere malis;
 Claros qua Larij salus collesque Quirini
 Incoluere Dea, facile has tibi verba daturas
 Amborum proprio non concessura nitore.
 At vero mihi nec tantarum Oenotria musa
 Diues opum, nec posse videntur multa canore
 Describi plaudente bona feliciter aure.
 Ac ne, si quod iners ipse ignavusque malusque,
 Forte putes, ego quod non possim, credere stulto
 Id fieri non posse: audi qua deserar aura.
 Haud numerat multos hac etas nostra poetas,
 Exitium queis non una iam barbarus hostis
 Cum patria attulerit, ferro ignique omnia vertens.
 Cur paucos ex his mentes auresque perita
 Esse bonos statuunt? qui puris aethera complent
 Vocibus, & dulci que vinctum mella sapore.
 An quoniam summa omnia sunt perfecta que rara?
 Atqui hic certe, aut nusquam, ex omni parte requirunt,
 Quod placeat, cui nul de sit, qui carmine gaudent.
 Nec satis est non peccasse, ad mirentur oportet
 Defixi haerentes animo, qui munera Phœbi

betas

Picridumq; legunt cœlestia dicta dearum.
 Vidisti pridem, qui ad nos Orientis ab oris
 Aduetus, cœlum ipsum extento fune petebat?
 Hic dum securo graditur per inania passu,
 Et modo summa petit pedibus, modo currit ad ima,
 Labitur, erigitur, cœlum diuerberat ictu,
 Ductis huc illuc manibus, mirariet omnes
 Collabiq; simul, tolliq; ad singula miris
 Corde modis affectu oculis vix credere nostris,
 Sic mihi suspensos animos regat ore deorum.
 Vox non mortali manans è pectore, vatis.
 Ergo adhibere opus est in verbis ac re legendis
 Iudicium. scriptor sic ut discrimina vocum
 Aure internoscat, quæ dura, aut mollia dictu,
 Horrida, quæq; sono propulsent athera leni:
 Iudicat ut sano quæ gustat lingua palato.
 Præter hæc eadem sensu interiore notabis:
 Ac veluti censor remouere Helicone seuerus
 Ignauus volet omnino, aut sic pondere voces,
 Et venere; extrudet viles & honore carentes.
 Magni adeo res est hæc ludicra plena laboris.
 Quinetiam Graius opulento Copia cornu
 Vinitias fudit, quibus & plenum atque canorum.
 Os sonat, at vero antiquum Latium haud ita diues
 Lingua beat, nec Musa adeo dedit ore rotundo
 Dicere, quæ vellet, diuis et Apolline dextro.
 Vt maior nostris etiam sis cura laborq;,
 Aeterna cupiunt qui cingere tempora fronde.
 Senferat hoc altusq; Nisaro, purgataq; florati
 Auris: & exsudant dum multa diuq; legendis
 Vocibus, ac canti omittunt, tractat auitorem
 Quæ sæpe experti nollent admittere iniqua,
 Ingenij tam clara sui monumenta dedere.
 Quorum non solum hoc, aut illud postera sæcla
 Præclare dictum laudarent, omnia plane:
 Sed mirarentur tanto modulata lepore.
 Hi me commonuere auctores: his ego fidens
 Hæc ad te verities non sum conscribere nugæ.
 Nam cur his potius credam? qui plurima frustra
 Conati vacuum lectorum sæpe ira fœdis

Uersibus offendunt, ut pr. sua percussu ira
Immeritam chartam conscindat, iure poeta,
Succensens: veluti qui ad cœnam multa rogatus
Nescio quò, cum ossis melleis allia porrum,
Afferi ut vidit, quid te cogebat inepte
His ut me acciperas epulis? Stultum. q. repente
Fraus refugit stomacho turbatus inani.

*Ad Fuluiam Gromelliam Io. Hiero-
nymi Equitis. F.*

Nimne te laus atque oculis te, Fulvia, latis
Nascentem aspexit, cœli qui sidera torquet:
Cum in lucem suscepta es utroque beata parente.
Namque tibi ante omnes genitrix pulcherrima, purum
Seu decus attendas mentis, siue ore decoro
Fulgens æterna lumen floremq. iuuenta:
Est Pater & superis charus pietate; secundis
Et rebus dubijsq. potest qui recta tueri:
Cui rerum prudens animus, qui diuite lingua
Quaslibet in partes animorum torquet habenas.
Horum tu studijs doctus exulta per artes
Fingeris ad mores sanctos, dum lubrica primum
Augescens ætas teneris se attollit in annis.
Gaude sorte tua: & diuinam agnosce parentum
Vocem, quid deceat, qua sint fugienda monentem.
Dum pectus purum est, artes nunc adhibe sacras:
Et cultus animi sanctos nunc indue: vanos
Contemne ornatus alios, & quicquid inani
Stultorum cœcas deludit imagine mentes.
Nos gemma & aurum, nos purpura, nos decor omnis
Corporis, & laudes hominum plaususq. relinquunt.
Ita comes una homini semper fidiissima virtus.
Ergo animum semper cole: cælum suspice semper:
Vnde illum hausisti. ille locus te arcesque beata,
Fulvia, migrantem terris post fata reposcunt.
Illic te virius tandem & sapientia sitet.

Ad Michaellem Cararium.

Nestes tot insomnes, amice, ducere
Pro chara amici coniuge
Quid profuit? nil artibus Cois. nihil
Actum tot assidentium
Docta manu. tot irriti, proh Iuppiter,
Tot sunt labores, irriti
Tot vota, quæis coniuxq;, materq;, & parent
Aures Deorum ferreus
Frustra fatigabant. puellam illam auream
Crudelis Orcus abstulit.
Pro qua modo non tartara Orphem audeat
Adire fremitu carmine,
Sed millies mors, puella millies
Servetur ut pulcherrima.
Sic Dux placet. qui singulis mortalibus
Dimittuntur tempora
Arbitrio suo. nec est miserrima
Necessitatem evadere.
Tu si sapias, cœnæ æneuses optimi
Spini, atque Alexandri, & meus,
Aut nos vocabis ad tuas, congressibus
Ut te beatis recrees.
Nam quicquid ætatis cum amicis degitur,
Solum id beate vivitur.

In funere Matris.

Læturus ergo mentis hoc fructus pia
Frustra laboravi miser,
Ne pauperem in labore vitam vineres

Mater mihi carissima.

Si vix reuoclo ab vltima Britannia

Dum gratularis filio,

Heu Fata crudelia, mihi eriperis. habe

Sors inuida tibi, nunc habe

Quascunque te volente comparavi opes.

Ingrata, Mater, omnia

Te sine mihi sunt. tecum abacta pariter est.

Omnis voluptas hinc mea.

Quod si meo fas esset arbitrio graues

Hos compedes effringere,

Essem statim secutus abeuntem comes.

Ingratis igitur & miser

Viam, usque dum cordi insitus dolor meo

Languore me confecerit.

Aliud.

Quid hoc amatur aui, & agris mentibus
Amor sedet stultissimus
Vita? quid habet hac; queso, vita amabile?

Labore plena ferreo

Sunt omnia, & siquid locatur in bonis,

Id aut haberi non potest,

Aut vix adeptus id labore maximo,

Repente sublatum ingemis.

Me patre puerum mortuo mœstissimum

Angustares domo expulit.

Heu quæ tuli, aut quæ non tui miserrimus.

Nam sola seruitus malum

Est maximum. sed illa spes tamen interim

Animum meum una crexerat:

Cum matre, quæ me amabat vniçe, quam ego

Vel diligebam maxime,

T em-

*Tempus futurum, quo libenter viuerem.
Optata spes aduenerat.
Domum reuersus maximis periculis
Ab ultima Britannia
Jam co gitabam matris in dulcissima
Amore conquiescere.
Finem laborum adesse iam speraueram.
Et gratulari inuicem.
Ecce illico mors inuida, ecce dissipat
Male ominata gaudia
Inunc age, i, quacunque difficillima
Labore vincas improbo.
Tandem licebit perfrui laboribus.
O corda nostra plumbea.*

Aliud.

Nemo dolorem leniat meum, neque
Conetur atri funeris
Oratione lacrymas abstergere.
Nam cordis arcem possidet
Dolor beatus, dulcis agrimonia.
Flemus libenter, sensimus
Tandem Dei benignitatem maximi.
Caelestis o Sapia
Salue, tenebras horrido qua pectore
Propellis ipso clarior,
Quod magna per conuexa caeli labitur,
Potentiorq; lumine.
Nam te sine nihil nos miselli cernimus:
Qui dicimus bonum malum.
Qui nec sciamus, cur in hocce luminis
Laboriosi nascimur.
Fruges, quibus vita indiget mortalium,
Inarata tellus denegat.
Redeunt simul voluentis anni tempora,
Redit quoque per orbem labor.
Atque interim saepe aut iniquo sydere
Seges perusta, aut grandinis
Sano impetu diuerberata concidit.

*ſambella, morbig², et ſeges
Reliqua malorum corda noſtra non ſinunt
Laboris obliuiſcier.
Sic optimus decreuit orbis artifex.
At nos ſuperbi homunculi
Prærupta quaque montium conuellere
Stulti gigantes nitimur,
Auſi Deo pugnare: qui omnes machinas
Molimur, ut molliſſimo
In otio duris procul laboribus
Liceat beate viuere.
Hic ſinis: huc conſilia noſtra pertinent.
Artes id omnes extudit.
Mercator impiger remoto littore
Vehit beatam copiam
Rerum omnium: manuſque docta languida
Morboſ repellit corpore:
Munita muris legibusque Ciuitas
Secura ſpectat otia.
Caci bonum quod eſt fugimus, & quod malum eſt
Labore petimus irritò.
Nos otia aſſigunt humo, & res proſpera
Onuſta corda deprimunt
Graui veterno. tunc enim obliuiſcimur
Rei indigentes nullius,
Cui nos oportet viuere, Dei altiſſimi,
Noſtris ſuperbi viribus.
Contra, labor, luctus, cruceſ, mala omnia
Cæleſtis auxili admonent:
Cæloq; reddunt: in Deumque tollere
Infirma cogunt lumina.
Quem dum tuemur, veritas illabitur
Sincera noſtris mentibus:
Procul fugatur improbum mendacium.
Cæleſtis o Sapientia
Salue, o beata & dulcis agrimonia,
Quanos iacentes erigis.*

The first of these is the
 second of these is the
 third of these is the
 fourth of these is the
 fifth of these is the
 sixth of these is the
 seventh of these is the
 eighth of these is the
 ninth of these is the
 tenth of these is the
 eleventh of these is the
 twelfth of these is the
 thirteenth of these is the
 fourteenth of these is the
 fifteenth of these is the
 sixteenth of these is the
 seventeenth of these is the
 eighteenth of these is the
 nineteenth of these is the
 twentieth of these is the
 twenty-first of these is the
 twenty-second of these is the
 twenty-third of these is the
 twenty-fourth of these is the
 twenty-fifth of these is the
 twenty-sixth of these is the
 twenty-seventh of these is the
 twenty-eighth of these is the
 twenty-ninth of these is the
 thirtieth of these is the
 thirty-first of these is the
 thirty-second of these is the
 thirty-third of these is the
 thirty-fourth of these is the
 thirty-fifth of these is the
 thirty-sixth of these is the
 thirty-seventh of these is the
 thirty-eighth of these is the
 thirty-ninth of these is the
 fortieth of these is the
 forty-first of these is the
 forty-second of these is the
 forty-third of these is the
 forty-fourth of these is the
 forty-fifth of these is the
 forty-sixth of these is the
 forty-seventh of these is the
 forty-eighth of these is the
 forty-ninth of these is the
 fiftieth of these is the
 fifty-first of these is the
 fifty-second of these is the
 fifty-third of these is the
 fifty-fourth of these is the
 fifty-fifth of these is the
 fifty-sixth of these is the
 fifty-seventh of these is the
 fifty-eighth of these is the
 fifty-ninth of these is the
 sixtieth of these is the
 sixty-first of these is the
 sixty-second of these is the
 sixty-third of these is the
 sixty-fourth of these is the
 sixty-fifth of these is the
 sixty-sixth of these is the
 sixty-seventh of these is the
 sixty-eighth of these is the
 sixty-ninth of these is the
 seventieth of these is the
 seventy-first of these is the
 seventy-second of these is the
 seventy-third of these is the
 seventy-fourth of these is the
 seventy-fifth of these is the
 seventy-sixth of these is the
 seventy-seventh of these is the
 seventy-eighth of these is the
 seventy-ninth of these is the
 eightieth of these is the
 eighty-first of these is the
 eighty-second of these is the
 eighty-third of these is the
 eighty-fourth of these is the
 eighty-fifth of these is the
 eighty-sixth of these is the
 eighty-seventh of these is the
 eighty-eighth of these is the
 eighty-ninth of these is the
 ninetieth of these is the
 ninety-first of these is the
 ninety-second of these is the
 ninety-third of these is the
 ninety-fourth of these is the
 ninety-fifth of these is the
 ninety-sixth of these is the
 ninety-seventh of these is the
 ninety-eighth of these is the
 ninety-ninth of these is the
 hundredth of these is the













